


Insig

‘n Versameling artikels vanaf
Take His Heart
aan die Wêreld.

Kopiereg beskerming deur Roy Sauzek



1 Kor 2:12 *Ons het ewenwel nie die gees van die wêreld ontvang nie, maar die Gees wat uit Elohim is, sodat ons kan weet wat Elohim ons uit genade geskenk het. 13 Daarvan spreek ons ook, nie met woorde wat die menslike wysheid leer nie, maar met dié wat die Heilige Gees leer, sodat ons geestelike dinge met geestelike vergelyk.*

Die  simbool in hierdie boekie identifiseer 'n “saak van die Gees,” gegee deur Elohim om vir ons begrip te gee.

**Gratis Boek
Nie te Koop!**

Ek het die Nuwe Hemel en die Nuwe Aarde Gesien!

Daar Sal 'n Nuwe Hemel & Nuwe Aarde Wees

Elohim herhaal Sy belofte van
'n Nuwe Hemel en 'n Nuwe Aarde in 1980!

Elohim se getuienis is groter as ons s'n. . .

Matt. 10:26 Yeshua het gesê: ...daar is niks bedek wat nie ontdek sal word nie, en verborge wat nie bekend sal word nie.

Elohim het jou lief en sal jou nie in onkunde laat nie. Hy gee ons hierdie getuienis van die ewige lewe! Die volgende is Elohim se visioen vir die mens. Hy vervul Sy belofte om niks verborge te laat in die laaste dae nie. Die volgende tonele sal jou net 'n flits gee, of 'n idee, nie die skitterende detail van wat ek gesien, gevoel, of ervaar het nie. Daar is werklik geen woorde om dit te beskryf nie, behalwe miskien een: **LEWE !**

Die vernederende ondervinding ! 🙏




Die aarde is vernietig en ek is weggevee die ruimte in, staande op 'n stuk van die ou aarde. My oë raak gefokus op 'n stippeltjie lig in die verte.

Dié stippel lyk of dit nader kom en terwyl ek kyk, besef ek dat ek oor 'n groot afstand teen 'n baie hoë spoed trek na die stippel toe. Gou verander die enkele wit kol in twee kolle wat groter word soos ek hulle posisie in die ruimte nader.

Daar was die geluid van 'n gekreun oral om my. Dit was asof dit die heelal gevul het! Dit het luider opgeklank terwyl ek dit (wat twee ligte blyk te wees) genader het. Op 'n stadium het ek gedink ek kyk na twee mane, glansend soos ons volmaan in 'n skoon nag, net helderder.

Terwyl ek nader beweeg het, het 'n blou kleur begin verskyn, duiend daarop dat dit twee sferes is, eerder soos die aarde as die maan. Die een sfeer was baie naby aan die ander en het dit deur die ruimte gevolg. Hulle was identies, behalwe dat die een vinniger gedraai het as die ander. Die as van rotering (van albei sferes) was anders as die aarde s'n, soos jy kan sien.

'n Ontslagwekkende gesig! Daar was 'n ongelooflike uitstraling van lig of gloed van binne, wat ek later kon vasstel, deur 'n wolkbedekking gekom het. Omdat die wolkbedekking en blou atmosfeer so gelewe het van suiwerheid, is daar geen manier hoe dit beskryf kan word nie. Ek onthou dat ek my regterhand voor my gesien het terwyl ek gewys het na dié manjifieke toneel. Soos ek nader gekom het, het daar genoeg lig uit die sfeer gestraal om die ruimte te verlig. Ek het nou dié lig binne gegaan.



Die gloed of uitstraling wat deur my liggaam gedring het, was so versterkend, skoon en lewendig, dat ek gevra het: "My Elohim, wat is dit hierdie?" Die klank in my ore was soos 'n miljoen Niagara watervalle.

Ek en my stuk grond het nie spoed verminder nie en ons het neus eerste reguit in die eerste sfeer ingeduik. Ek het die tweede sfeer uit die oog verloor, omdat dit nie meer binne my sig was nie.

"My Elohim, ek gaan sterf!" dag ek.

Ek was gereed om my oë te sluit sodra ek deur die wolke bars na my dood toe. Maar dinge het nou so vinnig gebeur, ek het nie 'n kans gekry nie!

In plaas van deur die wolke te bars, het ek skielik agtergekom ek sweef teen 'n hoë spoed oor die mooiste toneel wat ek ooit gesien het. Ek was besig om te sweef op die wolke van die eerste sfeer.



Lig (aangedui in geel) en wat ook al dit was wat my liggaam deurdring het, het van onder die wolke af gekom. Ek het teen hoë spoed oor die planeet beweeg. Kort daarna het ek die ander planeet op die horison



gesien. Ek het die eerste een verlaat en verby die tweede gegaan, op dieselfde manier swewend bokant die wolke. *"Yeshua, wat is dit wat ek my liggaam voel binnedring?"*



Heeltyd het daardie geweldig harde gebrul opgeklank, 'n kreungeluid wat ek nou weet barenswee was. Ek kon net 'n repie van die laaste planeet in my gesigsveld sien terwyl ek dit verlaat het, weer op pad die ruimte in.

Ek het weer die duisternis ingekyk. “Yeshua, ek wil nie weggaan h-i-e-r-v-a-n-d-a-a-n...!”

Toe het ’n onbeskryflike stem (alles wat die heelal is, was in hierdie stem), **’n stem met ‘alle outoriteit’, gesê:**

Daar Sal ’n Nuwe Hemel & Nuwe Aarde Wees

“Dit was Vader se stem, nie die Heilige Gees of Yeshua s’n nie!”

Ek weet nie of ek binne of buite my liggaam was nie. Paulus het dieselfde gesê oor sy besoek aan die hemel. Maar ek weet ek kon sien, hoor, ruik en voel. Hierdie ervaring was werkliker vir my as die aarde waarop ons staan. Yeshua het dit in my gees ingesmelt! Ons het ’n liefdevolle Vader en Hy wil dat ons Sy planne vir die mensdom begryp. Hy wil ons nie in onkunde laat nie. In hierdie laaste dae is Hy besig om te vervul wat Hy belowe het by **Mat.10:26** *Vrees hulle dan nie; want daar is niks bedek wat nie ontdek sal word nie, en verborge wat nie bekend sal word nie.*

1Joh. 5:8 *en daar is drie wat getuig op die aarde: die Gees en die water en die bloed, en die drie is eenstemmig. 9, As ons die getuienis van die mense aanneem—die getuienis van Elohim is groter omdat dit die getuienis is van Elohim wat Hy aangaande sy Seun getuig het. 10 Wie in die Seun van Elohim glo, het die getuienis in homself. Hy wat Elohim nie glo nie, het Hom tot leuenaar gemaak, omdat hy die getuienis nie geglo het wat Elohim aangaande sy Seun getuig het nie. 11 En dit is die getuienis: **dat Elohim ons die ewige lewe gegee het, en dié lewe is in sy Seun.***

Laat ons gesels oor bg. teksgedeelte.

Wat jy pas gelees het oor die Nuwe Aarde en die Nuwe Hemel is die getuienis van die Gees van Elohim dat die ewige lewe bestaan!

(...en daar is drie wat getuig op die aarde: die Gees en die water en die bloed, en die drie is eenstemmig.)

Dan sê die Skrif dat die getuienis van Elohim groter is as die getuienis van die mens: **(As ons die getuienis van die mense aanneem—die getuienis van Elohim is groter...)**

Een van Vader se getuies is deur 'n gelowige: **(...omdat dit die getuienis is van Elohim wat Hy aangaande sy Seun getuig het. Wie in die Seun van Elohim glo, het die getuienis in homself...)**

Dan sê die Skrif die ongelowige maak Vader tot leuenaar: **(Hy wat Elohim nie glo nie, het Hom tot leuenaar gemaak...)** Die rede? **(...omdat hy die getuienis nie geglo het wat Elohim aangaande sy Seun getuig het nie. En dit is die getuienis:...)**

Maar wat is 'n ander getuienis van Elohim oor Sy Seun, behalwe die getuienis van die innerlike mens van die gelowige? Antwoord: **(...dat Elohim ons die ewige lewe gegee het...)** Elohim se getuienis, deur Sy Gees, van die Nuwe Hemel en die Nuwe Aarde, **is eintlik getuienis van die Ewige Lewe!** Dit wat ons pas gelees het, sê Vader se getuienis van die Ewige Lewe, is getuienis van Sy Seun. Maar hoe verkry ons die Ewige Lewe en waar is dit? **(...en dié lewe is in sy Seun.)**

Elohim se Stem...

ALLES WAT DIE HEELAL IS, WAS IN DIE STEM WAT EK GEHOOR HET !

Ek dank Elohim vir die stem van die Heilige Gees! Ek praat oor Elohim se stem, want hierdie blyk die regte plek te wees om dit te doen. Hy het my aangesê om 'n getuie daarvan te wees. As die lees van hierdie ervaring jou nie nederig stem nie, sou die hoor van Sy stem dit gedoen het. Ek het gevind dat wat ek gesien en ondervind het, 100% Bybels is, selfs wat Elohim se stem betref. Vir omtrent 15 jaar het ek aan mense vertel ek het dieselfde stem gehoor wat Moses moes gehoor het. Ek het ook gesê ek glo nie ons sou dit oorleef as ons daardie stem aanhoudend moes hoor nie. Ek weet dat om dit te hoor het nie net my lewe verander nie, maar dit het ook respek en 'n goddelike vrees in my gesit.

Na die ondervinding het ek Yeshua gevra om my begrip te gee oor waarom ek van mening was dat ons nie sou bly lewe as ons YHWH se stem aanhoudend moes hoor nie. Eindelik het dit my getref dat dit ons sou verteer. Elohim is 'n verterende vuur!

Ek het ontdek die Skrif beskryf dit wat ek gesê het. Die Israeliete het Vader se stem direk gehoor, nes Moses.

(Deut. 5:23-29) *23 En toe julle die stem uit die duisternis hoor, terwyl die berg met vuur brand, het julle na my toe aangekom, al die hoofde van julle stamme en julle oudstes, 24 en gesê: Kyk, YHWH onse Elohim het ons sy heerlikheid en sy grootheid laat sien, en ons het sy stem uit die vuur gehoor; vandag het ons gesien dat Elohim met die mens spreek en hy in die lewe bly. 25 Maar waarom moet ons nou sterwe? Want hierdie groot vuur sal ons verteer. As ons die stem van YHWH onse Elohim nog langer hoor, sal ons sterwe. 26 Want wie is daar van alle vlees wat die stem van die lewende Elohim uit die vuur hoor spreek het soos ons en in die lewe gebly het? 27 Gaan ú naderby en hoor alles wat YHWH onse Elohim sal sê; dan kan ú ons alles meedeel wat YHWH onse Elohim met u sal spreek, en ons sal dit hoor en doen. 28 En YHWH het die stem van julle woorde gehoor toe julle met my gespreek het. Toe sê YHWH vir my: Ek het gehoor die stem van die woorde van hierdie volk wat hulle met jou gespreek het; dit is alles goed wat hulle gespreek het. 29 Ag, as hulle maar so 'n hart gehad het om My te vrees en al my gebooie altyd te onderhou, dat dit met hulle en hul kinders vir ewig goed kan gaan.*

In vers 25 sien ons dat hierdie mense wat die stem gehoor het wat Moses gehoor het, dieselfde sê as wat ek daarvoor gesê het. Ek was natuurlik verheug toe ek dit in die Bybel gevind het.

In vers 29 sien ons dat Elohim, Homself, sê ons moet Hom vrees en dat Hy wil hê dat ons Sy gebooie hou ter wille van onself. Oor die algemeen vrees mense, selfs Christene, nie vir Elohim nie en hulle lewens bewys dit. Maar selfs die Nuwe Testament sê dat ons hom moet respekteer en vrees.

Hebr. 12:27-29 *.En hierdie woord: nog een maal, wys duidelik op die verandering van die wankelbare dinge as geskape dinge, sodat die onwankelbare kan bly. 28 Daarom, omdat ons 'n onwankelbare koninkryk ontvang, laat ons dankbaar wees, en so Elohim welbehaaglik dien met eerbied en vrees. 29 Want onse Elohim is 'n verterende vuur.*

Ek hoop hierdie getuigenis vir Vader oor die ewige lewe en Vader se stem raak aan jou? Wanneer ek daaraan dink, seën dit my, maar maak my ook nederig. Dan dink ek: "Hoekom ek, Vader?"

Skrif oor die Nuwe Hemel & die Nuwe Aarde:

Ou Testament

Jes. 65:17 *Want kyk, Ek skep nuwe hemele en 'n nuwe aarde, en aan die vorige dinge sal nie gedink word en hulle sal in die hart nie opkom nie.*

Jes 66:22 *Want soos die nuwe hemel en die nuwe aarde wat Ek maak, voor my aangesig sal bestaan, spreek YHWH, so sal julle nageslag en julle naam bestendig wees.*

Nuwe Testament

2 Pet 3:13 *Maar ons verwag volgens sy belofte nuwe hemele en 'n nuwe aarde waarin geregtigheid woon.*

Die uitstraling en lig vanuit die Nuwe Hemel en die Nuwe Aarde is **“LEWE”** deur geregtigheid meegebring.

Openb. 21:1 *En ek het 'n nuwe hemel en 'n nuwe aarde gesien, want die eerste hemel en die eerste aarde het verbygegaan; en die see was daar nie meer nie.*

In die begin was die Woord, en die Woord was by Elohim of “Die Vierde Dimensie!”

Matt 10:26. *“...want daar is niks bedek wat nie ontdek sal word nie, en verborge wat nie bekend sal word nie...”*

Die Woord sê ook dat in die laaste dae die kennis sal vermeerder. Ons sien dit rondom ons gebeur en sommige gelowiges praat dikwels daarvan, maar wat hulle nie almal beseef nie, is dat daardie woorde veral insluit, kennis oor Elohim, die Bybel, die dinge van Elohim en Elohim Self. Wanneer Elohim iets sê is dit alles insluitende. **“Alle kennis sal vermeerder!”**

Sommige mense sê dat hulle mos in Yeshua glo en nie verdere begrip nodig het van **“In die begin was die Woord en die Woord was by Elohim...”** nie. In die gelykenis van die saaiër word openbaar dat “die gebrek aan begrip” **die rede is waarom** geen vrug geproduseer word nie, m.a.w. **geestelike mislukking!** Almal in hierdie betrokke gelykenis is iewers in die wêreld.

Mat 13:19-23 *As iemand die woord van die koninkryk hoor en nie verstaan nie, kom die Bose en roef wat in sy hart gesaai is—dit is hy by wie langs die pad gesaai is. En by wie op rotsagtige plekke gesaai is—dit is hy wat die woord hoor en dit dadelik met blydschap aanneem; maar hy het geen wortel in homself nie, hy is net vir 'n tyd, en as daar verdrukking en vervolging kom ter wille van die woord, struikel hy dadelik. En by wie in die dorings gesaai is—dit is hy wat die woord hoor, maar die sorge van hierdie wêreld en die verleiding van die rykdom verstik die woord, en hy word onvrugbaar. En by wie op die goeie grond gesaai is—dit is hy wat die woord hoor en verstaan, wat dan ook vrug dra en oplewer: die een honderd, die ander sestig, die ander dertigvoudig.*

Met die aanslag van satan in hierdie laaste dae is dit belangrik dat ons in ons geloof **geanker** raak, met al die begrip wat ons kan kry. Volgens die gelykenis kan ons wanneer ons nie verstaan nie, verloor wat aan ons in die eerste plek gegee was om verskeie redes. Daar is 'n verskil in om te “glo” en om te “weet”; hulle word in die Woord geskei. Jy kan glo sonder om te verstaan, maar jy kan nie werklik “weet” sonder begrip nie.

Om 'n voorbereide aktiewe arbeider in hierdie laaste dae vir Hom te wees, het jy sommige, indien nie al die begrip nodig oor wat in hierdie boodskap openbaar word.

"Die vierde dimensie"

Daar was tydens 'n gebedsbyeenkoms oor my geprofeteer dat Elohim vir  my 'n openbaring gaan gee. Ek het vir Yeshua gevra wat die openbaring was en voordat die byeenkoms verby was het ek geweet dat dit met die geesteryk te doen het. Daardie nag het ek 'n visioen gehad. In die visioen het ek hierdie prentjie langsaan op 'n bladsy van 'n boek gesit. Ek het nie verstaan wat ek gesien het nie, behalwe dat ek geweet het dat dit iets met vier dimensies te doen het. Drie dae het verby gegaan en ek het uiteindelik opgehou om dit self te probeer uitredeneer en toe vra ek vir Yeshua wat hierdie prentjie was. Yeshua sê toe dat dit die heelal is. Ek het gaan soek in my atlas en daar was dit voor my! 'n Prentjie van die heelal, maar sonder die buise. Die heelal was net soos die ovaal deel van die prentjie voorgestel in my atlas.



Die vier buis-agtige voorwerpe wat uit die heelal gekom het, was dimensioneel. Simbolies het die prentjie openbaar dat die heelal vier dimensies bevat. Ons sê dat ons in 'n driedimensionele wêreld leef, want ons sien slegs drie dimensies op 'n keer, maar sê die Bybel dat daar vier dimensies is?

Efes. 3:17,18 ...sodat Yeshua deur die geloof in julle harte kan woon, julle wat in die liefde gewortel en gegrond is, en julle in staat kan wees om saam met al die heiliges ten volle te begryp wat die lengte, breedte, hoogte en diepte is;

Ons sien vier dimensies in hierdie skrifgedeelte: lengte, breedte, hoogte en diepte. Toe herinner Yeshua vir my aan sekere inligting in 'n baie ou Bybelwoordeboek oor die formule van gemeentegroei. In my woorde, hier is die formule. **Skrif sal getuienis voorsien vir hierdie formule.**

"In die vierde dimensie (geesteryk), kan 'n nuwe massa ontstaan, (homself vermeerder) deur die afskeiding van deeltjies van die oorspronklike massa, sonder dat die oorspronklike massa verminder."

Laat ek vir jou 'n prentjie skilder van hoe hierdie formule werk ten opsigte van gemeente groei. Die liggaam van Yeshua is 'n geestelike liggaam wat op die aarde bestaan. Soos wat mense gered word, word daardie liggaam groter sonder dat die Gees wat in of op die oorspronklike liggaam is, verminder of opraak!

Kom ons soek in die Woord bewys daarvan dat hierdie beginsel so werk. Die heel eerste ding wat ek onthou het toe ek weer aan hierdie beginsel herinner was, was die storie van Moses, waar die gees van profesie aan die sewentig ouderlinge gegee was.

Num 11:25 daarop het Elohim neergedaal in die wolk en met hom gespreek; en hy het van die gees wat op hom was, afgesonder en op die sewentig oudstes gelê. en terwyl die gees op hulle rus, het hulle geprofeteer; maar daarna nie meer nie.

Daar staan geskryf dat Elohim – **van die gees wat op Moses was. . . ook aan die sewentig gegee het.** Elohim het nie ekstra van die gees van profesie saam met Hom gebring nie. Hy het **geneem van die gees wat op Moses was.**

Kom ons kyk weer hierna deur 'n bietjie in dieselfde hoofstuk terug te gaan, waar Elohim aan Moses vertel wat Hy gaan doen – Hy het so pas vir Moses instruksies gegee om die oudstes in die tabernakel te laat vergader.

Num. 11:17 Dan sal Ek neerdaal en daar met jou spreek; en van die gees wat op jou is, sal Ek afsonder en op hulle lê...

Elohim het gesê: "...van die Gees wat op jou is, sal Ek afsonder (die skeiding van deeltjies) **en op hulle lê**. Die gees wat op Moses was het nie verminder nie. Dit het alles in die geestesrealm gebeur. Laat ons nou aanbeweeg na die werking van hierdie formule in die geestesrealm en wat op die drie-dimensionele vlak (menslike vlak) op 'n fisiese manier manifesteer.

Hierdie formule was in werking toe Yeshua die menigte met broodjies en vissies gevoed het. Dit was gereproduseer sonder dat die oorspronklike broodjies en vissies verminder het.

Mat 15:33-38 *En sy dissipels sê vir Hom: Waar sal ons in die woestyn soveel brode vandaan kry om so 'n groot skare te versadig? 3 Toe sê Yeshua vir hulle: Hoeveel brode het julle? En hulle antwoord: Sewe, en 'n paar vissies. En Hy het bevel gegee aan die skare om op die grond te gaan sit. Toe neem Hy die sewe brode en die visse, en nadat Hy gedank het, breek Hy dit en gee dit aan sy dissipels, en die dissipels aan die skare. En hulle het almal geëet en versadig geword; en hulle het die oorskot van die brokstukke opgetel, sewe mandjies vol. En die wat geëet het, was vier duisend manne buiten die vroue en kinders.*

Jy moet hier begryp dat die mense aanhoudend verskillende hoeveelhede porsies brood en vis geneem het, na hulle behoefte, maar daar was altyd genoeg oor vir die volgende persoon. Hoekom? Want die oorspronklike porsies kon nie en het nie verminder nie – dit was meer as genoeg!

Hierdie beginsel het ook plaasgevind toe Elisa die profeet die vrou aangesê het om kruike bymekaar te maak en haar toe opdrag gegee het om al die ander kruike met die een kruik olie te vul. Deur die verdeling van deeltjies, was die kruike gevul en die oorspronklike kruik **het nie verminder nie**. Dit is duidelik dat hierdie beginsel wat in die vierde dimensie (geestesrealm) bestaan geaktiveer word deur geloof.

Wetenskaplikes sê dat die heelal besig is om te groei. Dit word op hierdie selfde manier deur Elohim se geloof geskep (aksie). Dit spreid huidig uit en groei sonder dat die gedeelte wat reeds bestaan, verminder. “**lets uit niks**” so vêr as wat ons in hierdie drie-dimensionele wêreld kan sien.

Dit bring ons by die titel van hierdie artikel wat vanuit Joh 1 kom. Elohim het vir my op Joh. 1:1 en 2 gewys nadat ek al hierdie dinge besef het waarvan jy tot hier gelees het. Ek het geweet dat Elohim dit op hierdie manier gedoen het sodat ek sou verstaan wat Hy op die punt was om aan my te openbaar. Toe Hy vir my na dié spesifieke Skrif verwys het, het Hy gesê: “**‘n Vader bestaan voor ‘n seun**”. Hier gaan ek nou met jou deel wat Elohim my geleer het.

Joh 1:1,2 *In die begin was die Woord, en die Woord was by Elohim, en die Woord was Elohim. Hy was in die begin by Elohim.*

Eerstens, wil ons net duidelik maak dat Elohim praat oor “die begin,” die eerste ding wat gebeur het. Dit is nie tydens die skepping van die wêreld of die heelal nie. Dit was voor dit. Dit is oor Elohim wat ‘n Seun het! **Wanneer Elohim hier sê die begin, bedoel Hy die “absolute begin.”**

Daar is ‘n progressie in die volgende. Daar gebeur iets tussen: “In die begin was die Woord” en “die Woord was by Elohim.” Elohim is ‘n Gees (in die begin was die Woord). Elohim die Vader was in die begin alleen – Hy was nie ‘n gemanifesteerde Vader nie al was dit in Hom. Toe gebeur dit: sy Seun manifesteer (**die Woord was by Elohim die Vader**). ‘n Seun kan nie ontstaan sonder ‘n vader nie. Jy is nie ‘n vader totdat jy ‘n kind gehad het nie. Vader het deur die skeiding van deeltjies van homself, Homself gereproduseer in ‘n Seun, maar Vader het op geen manier verminder nie. Dan staan daar “**en die woord was Elohim**” Yeshua is Elohim, ‘n perfekte reproduksie van Homself. Hoe? Deur die skeiding van deeltjies, ‘n presiese reproduksie (nie ‘n nuwe skepping nie) het plaasgevind, sonder om die oorspronklike te verminder.

Is dit waar dat **Yeshua identies is aan Vader**? **Ja!** Kyk na die volgende skrifgedeelte.

Joh 1:2 Hy was in die begin by Elohim.

Joh 1:2 The same was in the beginning with Elohim. (King James)

“The **same**” is Yeshua. Hy is dieselfde as Vader! “The **same**” was in die begin saam met Vader! Die enigste verskil tussen Vader en Yeshua is die feit dat die een die Vader is en die ander die Seun. Dit is waarom ons kan sê dat Yeshua is Elohim. Hy is nie Elohim die Vader nie, maar hy is Elohim die Seun. Hy is eenvoudig Elohim in ‘n ander hoedanigheid. Dit verduidelik hoe Yeshua soos volg kon dink soos wat Paulus genoem het in

Filip 2:5,6. *Want hierdie gesindheid moet in julle wees wat ook in Yeshua die Messias was. Hy, wat in die gestalte van Elohim was, het dit geen roof geag om aan Elohim gelyk te wees nie...*

Paulus sê hier dat Yeshua **dit geen roof geag het om aan Elohim die Vader gelyk te wees nie**. Dit was nie rowery nie, want Yeshua het nooit enigiets weggevat van Elohim die Vader nie. Elohim die Vader het nie verminder nie. Yeshua is ‘n presiese reproduksie van Elohim die Vader uit Vader self. Yeshua is Elohim, (gelyk met Elohim die Vader) maar in die posisie van die Seun! Daar kan geen jaloesie tussen die twee wees nie, want hulle is een. Elohim die Vader het alles vir en deur Elohim die Seun, gedoen! Lees ook Spreuke 8:22-31.

Johannes 1 *1In die begin was die Woord, (Elohim was alleen) en (toe) die Woord (Yeshua) was by Elohim, en die Woord (Yeshua) was Elohim. 2 Hy (the same) (Yeshua) was in die begin by Elohim.*

Wat is in ‘n Naam? of, die Geel Bladsye!

Omdat hierdie artikel sommige mense mag ontstel, sal ek eerste dit sê: Ons, die aardse liggaam van Messias, het nodig om baie deeglik bewus te word van die feit dat enigiets wat ons doen as ‘n korporatiewe liggaam wat aftrek of weglei van die **doel van Yeshua** (op aarde) is verkeerd! Terwyl ek gedink het daaraan om hierdie artikel op die webwerf te plaas, het ek onthou hoe sterk die salwing was toe ek dit geskryf het. Die gedagtes oor die Geel Bladsye het gekom terwyl ek geskryf het en toe, met die afsluiting het ek in werklikheid getik: “**Ek weet nie van jou nie, maar ek is oortuig.**” Ek het vir ‘n oomblik stil gesit en besef Vader het ‘n groot bydrae in die skryf daarvan gehad. Daarmee dan, is al wat ek kan doen, om jou te vra om hierdie skrywe te lees met die **doel van Yeshua** in jou hart en siel.

Ons as Christene, die korporatiewe liggaam van Messias, moet verstaan wat is in 'n naam en wat 'n naam is. Dit is belangrik dat name reg is, veral in 'n optrede van Elohim.

Name beskryf en beïnvloed die uitslag. Dit is waarom Elohim in die Bybel name verander het, sodat dinge sou gebeur.

Genesis 17:5 *Daarom sal hulle jou nie meer Abram noem nie, maar jou naam sal wees Abraham, want Ek maak jou 'n vader van 'n menigte van nasies.*

Elohim het Abram, wat beteken “hoë vader” se naam verander na Abraham, wat beteken “vader van 'n menigte.” Vader het dit gedoen om sy naam in ooreenkoms te bring met wat Hy Abraham geskape het. Elke keer as mense sy naam genoem het, het hulle bevestig wat dit beteken het. Met ander woorde, Elohim het die aardlinge met hom laat saamstem, deur Abram se naam te verander na Abraham. Wanneer mense die naam uitgespreek het, het hulle nie net met Vader saamgestem nie, maar ook **verklaar wat Abraham se naam beteken het**.

Yeshua het gesê Sy woorde is tegelyk gees en lewe. Woorde produseer. Jy kan iemand deur woorde opbou, of iemand deur woorde afbreek. Die wêreld was gevorm en het gemanifesteer, albei deur YHWH se woorde. Wanneer jy 'n naam uitspreek, roep jy na vore, verklaar jy wat dit beteken, of jy bevestig wat dit is!

Wat noem Elohim Sy gemeente? (Die woord “kerk” in die Nuwe Testament is 'n foutiewe vertaling. In die oorspronklike Grieks staan daar: “eklesia” wat “gemeente” beteken.) Die Bybel verwys na Sy gemeente as die “gemeente” en deel dit nooit op in individuele name soos die mens gedoen het nie:

Die gemeente van Korinthe,

Die gemeente van Philippi . . . Ens.

In die boek van Openbaring, waar Yeshua die verskeie gemeentes korrigeer, sê die Bybel:

En aan die engel van the gemeente van Smirna...

En aan die engel van the gemeente van Pergamos...

En aan die engel van the gemeente van Tiatire...

Hier sien ons Yeshua verwys na die gemeente as die gemeente van 'n sekere plek.

In al die korreksies van Yeshua aan die gemeentes in Openbaring, is daar niks oor die verandering of die aanneem van 'n naam nie. Dit is maklik om te sien die naam behels dieselfde soort gemeente, maar **slegs almal beskrywend om te bepaal waar die gemeente was**. Die pleknaam was slegs verskaf sodat spesifieke informasie die regte groep sou bereik.

Om verder te verduidelik, laat ons 'n gewone gemeentenaam inspan by wat geskrywe was in Openbaring:

En aan die engel van die Nederduits Hervormde gemeente...

Die rede waarom dit nie is soos in die boek van Openbaring nie, is omdat Nederduits Hervormde verteenwoordigend is van 'n **tipe geloofsuitleyk** en **nie 'n plek**. In die Bybel was die "gemeente" verteenwoordigend van iemand se geloof of wie hulle was. Die res het te make gehad met ligging. Die naam "gemeente" **omvat alles wat Elohim sê dat dit is**. Die woorde Metodis, Baptis, NG, dui op die tipe geloofsuitleyk. Dit wys uit, of belemmer gedeeltes van wat Elohim sê die "gemeente" behoort te wees.

Die Geel Bladsye?



As jy gebid het vir eenheid in die liggaam van Christus op aarde (al die verskillende kerke!) en jy bedoel dit opreg, laat ek jou iets wys wat jou siel en gees sal roer... Gestel ons hernoem van die kerke in die dorp Vryheid na wat Vader hulle noem. Die Nederduits Hervormde Kerk sal bv. wees: "Die kerk in Wesstraat, Vryheid." Die Nederduits Gereformeerde Kerk in die middedorp sal wees: "Die kerk in Kerkstraat, Vryheid." Die Apostoliese Geloofsending sal wees: "Die kerk in Emmetstraat, Vryheid." Geen verskillende denominasies meer nie! In die telefoonboek se Geel Bladsye sal dit so lyk:

Die kerk in Wesstr., Vryheid.....	981.....
Die kerk in Kerkstraat, Vryheid.....	981.....
Die kerk in Emmetstraat, Vryheid.....	981.....
Ensovoorts.	

Ek glo jy kan insien watter effek dit op die publiek sou hê – om elke foonboek in die wêreld oop te maak en al die kerke, die wêreld oor, **in eenheid** te sien oor wie hulle is!

Kan jy jou die krag voorstel van so 'n eenvoudige **verenigde front**? Iemand mag dalk net dink ons het iets wat die wêreld nie het nie, naamlik Yeshua! Maar tans maak hulle die foonboeke oop en al wat hulle sien is verdeeldheid. 'n Verdeelde liggaam van Yeshua! Jy sien, **Vader weet altyd die beste**.

Affekteer hierdie verdeeldheid die algemene publiek? **Natuurlik!** Meer as een persoon het my al gevra: "Watter kerk is reg en waarom is daar so baie denominasies?" Party het pas die ervaring van redding beleef, slegs om dan tot groot teleurstelling agter te kom Yeshua se liggaam op aarde is hopeloos verdeel. Ek weet van 'n persoon wat Yeshua verwerp het as gevolg van presies hierdie probleem.

Wanneer ons verwys na die kerk soos Elohim doen, sou ons sê: "Die kerk in Kerkstraat." Kan ons dit in trurat doen en sê: "Die Kerkstraat kerk?" of "die Emmetstraat kerk?" ens. Nee.

Die rede waarom die tru-vorm nie reg is nie, is oor klem dan geplaas word op die naam van die straat i.p.v. op "die Kerk."

Waar reken **jy** moet die klem val? Dus moet ons terugkeer na die vorm wat openbaar is in die Bybel, nl. "Die kerk in Kerkstraat; die kerk in Emmetstraat," ens. Dit kom uiteindelik daarop neer of ons **Yeshua** en **Sy roeping liefhet** en of ons 'n spesifieke denominasie met sy mense en/of hulle roeping liefhet.

Name, behalwe die een gegee deur Vader, het slegs verwarring en verdeeldheid gebring in Sy Kerk op aarde. Vader se **ware** liggaam word die "kerk" genoem in die hemel en dit **was** die "kerk" genoem op aarde voor al die verdeeldheid. (Dit was so aan my openbaar deur Yeshua.) As dit so genoem word sal 'n klomp verwarring uitgeskakel word. Ons bid: "Laat U wil geskied soos in die hemel, so ook op die aarde." Die verwarring is op aarde, nie in die hemel nie! Wie is die stigter van verwarring? Dit is die duiwel wat inkom, terwyl die mense slaap.

Elohim praat in die Bybel van Sy volk wat die hoer speel, beide die Israel volk en Sy kerk. Hoere staan op straathoeke en is eenders vir mekaar. Hulle kompeteer vir kliënte, soms mekaar s'n.

Hulle klee verskillend om voor te gee hul het iets wat ander nie het nie. Die kleding wat die kerk in die wêreld aan het, **wat die wêreld sien**, is 'n gebou en 'n naam. Die mense (gemeente) gaan die gebou en 'n naam binne, elke keer wat hulle 'n diens bywoon. Jy kan ingaan en nie die naam aanneem nie, maar as jy aanhou bywoon, neem jy die naam aan en alles wat dit verteenwoordig. Wat 'n skandale!

Dit maak nie sin om die kerk enigiets anders te noem as wat YHWH dit noem nie. Dit is soos om 'n appel 'n lemoen te noem.. Elohim noem dit die “kerk”, maar die mens noem dit iets anders, vir die mens se doelwit, vir die doel van kompetisie.

"Kyk na my, ek is anders." Ons is die liggaam van Christus, **maar die wêreld sien 'n verdeelde liggaam, weens al die verskillende name.** Dis nodig dat jy stop en weer kyk na hoe die Geel Bladsye sou gelyk het, dus herhaal ek daardie beeld hier.

Die kerk in Wesstr., Vryheid.....981.....
Die kerk in Kerkstraat, Vryheid.....981.....
Die kerk in Emmetstraat, Vryheid.....981.....
Ensovoorts.

Dink daaroor! Die kerkleiers sou 'n reuse gesindheidsverandering moes hê. Kerkdienste sou verander! Die roeping van Yeshua sou verseker versterk word.

Laat ons weer kyk wat Elohim vir Abraham gesê het:

Genesis 17:5 *Daarom sal hulle jou nie meer Abram noem nie, maar jou naam sal wees Abraham, want Ek maak jou 'n vader van 'n menigte van nasies.*

Sou Elohim, die **absolute waarheid**, absolute vleklose, wettig met Abraham gedoen het wat Hy het, indien Hy Abraham se naam gelaat het as Abram (hoë vader), i.p.v. om dit te verander na Abraham (vader van 'n menigte)? **NEE!** Sou Abraham geword het wat Elohim hom bestem het om te word as hy die naam Abram behou het? **NEE!** Het die kerk geword wat Elohim dit geroep het om te wees? **NEE!** Het al hierdie name waarmee die mens die kerk opgesaal het 'n verdelende, belemmerende effek op wat Elohim wil hê? **JA!** Ek het baie Christene hoor aangaan oor die feit dat ons, die liggaam van Messias, 'n eenheid moet word. **As ons in eenheid met Vader kan kom, sal onself ons in eenheid bevind.**

Onthou, dit is die aksies as 'n korporatiewe liggaam wat bepaal of 'n vrou 'n hoer is, of 'n bruid. 'n **Ware bruid** vestig aandag op haar eggenoot, nie haarself nie. Wanneer Elohim se eie mense nie met Hom saamstem oor hulle korporatiewe naam nie, is dit 'n daad van hoerery! Wanneer jy praat van die **Baptiste Kerk, of Metodiste Kerk, of enige ander naam**, praat jy van iets veel **minder as wat Vader in gedagte gehad het.**

Elohim wil baie meer vir sy mense hê as wat hulle tans geniet. Laat ons Vader verheerlik en nie ons denominasies, ens. Maak die name in die foonboek saak? Dit maak vir Yeshua saak, anders sou Hy dit nie onder ons aandag gebring het nie!

Elohim het Direk met my Gepraat oor Oordeel!

Ek sou nie oor die onderwerp van oordeel geskryf het nie, maar Elohim het direk met my daaroor gepraat. Dit is iets wat die mens nie werklik verstaan nie. Veral wat Elohim se woord betref en die kennis van die posisies wat Hy in die kerk bepaal. Die vyfvoudige bedienings funksioneer in die kerk. Vader moes my laat begryp dat wat Hy my gewys het, Sy oordeel was en nie myne nie, ten einde my in staat te stel om te funksioneer in die bediening waarin Hy my geplaas het. Soos wat jy oor die Bybelse profete lees, sien jy hulle was nie blind of onkundig oor die situasies waarin hulle was nie. Hulle was ten volle daarvan ingelig as gevolg van Elohim se raadgewing.

Jer. 23:18 *Want wie het in die RAAD van YHWH gestaan, dat hy sy Woord sou sien en hoor? Wie het na sy Woord geluister en dit gehoor?*

Elohim praat van 'in Sy raad staan', wat die sleutelvereiste is om reg te oordeel. Dit is die beste manier om begrip te kry. Hoe langer jy in Elohim se raad staan, hoe meer sal jy leer van Elohim se weë en gedagtes. Dan sal jy meer in staat wees om oordele te vorm – gebaseer op **Elohim** se wil en nie die mens s'n nie. **Ek het in Elohim se raad gestaan toe Hy my hemel toe gevat het en Vader se raad oor Oordeel, is wat ek hier oordra.** Ja, as Christene moet ons oordele kan maak, maar ons moet versigtig wees hoe en op watter basis ons die oordele baseer.

Yeshua sê:

Joh. 7:24 *Moenie oordeel volgens wat julle sien nie, maar oordeel 'n regverdige oordeel.*

Yeshua het ook gesê:

Mat. 7:1-2 *Moenie oordeel nie, sodat julle nie geoordeel word nie. Want met die oordeel waarmee julle oordeel, sal julle geoordeel word; en met die maat waarmee julle meet, sal weer vir julle gemeet word.*

Sit hierdie twee saam en jy kan sien dat Yeshua sê: “Vel ’n regverdige oordeel, maar moenie oordeel volgens die uiterlike nie, want die wyse waarop jy oordeel sal jy self geoordeel word. Ons sal moet versigtig wees met ons oordele. Om die waarheid te sê, oordeel ons voortdurend, sonder om dit te besef. **Ons behoort hiervan bewus te wees:**

Jer 9:23,24 So sê YHWH: Laat die wyse hom nie beroem op sy wysheid nie, en laat die sterke hom nie beroem op sy sterkte nie, laat die ryke hom nie beroem op sy rykdom nie; maar laat hy wat wil roem, hom hierop beroem dat hy verstaan en My ken, dat Ek YHWH is wat goedertierenheid, (oordeel) reg en geregtigheid op die aarde doen (uitoefen); want in dié dinge het Ek ’n behae, spreek YHWH.

Dit mag verwarrend klink, want op een plek sê Yeshua: ‘**Moenie oordeel nie...**’ maar op ’n ander plek: ‘**...maar oordeel ’n regverdige oordeel.**’

Elohim sê enige iemand wat dit werklik verstaan en weet, begryp hierdie feit: dat dit YHWH is wat oordeel en reg en geregtigheid op die aarde uitoefen. Ons as Christene is veronderstel om dieselfde te doen, maar ons moet onthou dit is Elohim en slegs Elohim wat dit volmaak kan vermag. Dit is **Elohim wat ware liefdevolle deernis vir ’n situasie openbaar. Dit is Elohim wat die waarheid openbaar** en wie die volmaakte, ware regter is in ’n situasie. Eintlik sal ons sonder Sy bydrae net nie die suiwer waarheid weet nie. Elohim sê ons moenie ons verheerlik in ons eie wysheid nie. Dit is presies wat die mens doen! So, hier gee ek deur wat Elohim aan my gesê oor oordeel. Dit behoort jou begrip te verbreed.

Die voorval het begin tydens ’n komitee-vergadering waarvan die doel was om ’n nuwe pastoor vir die gemeente te kies. Daar was ’n paar van ons in die gemeente wat wou verseker dat ons ’n pastoor kry wat werklik in die Bybel glo. Ek kan nie die presiese woorde onthou nie, maar iets is gesê wat my genoep het om op te merk dat daar moontlik ongeredde mense in ons gemeente was. **Ek was onmiddellik beskuldig van beoordeling!** (Judging)

Menende dat hulle reg was, het ek doodstil laer af in my stoel gesak en Yeshua gevra om my te vergewe vir my optrede. Soos jy kan dink, was ek die res van die vergadering baie stil.

Die volgende oggend was ek besig met los werkies terwyl ek met Yeshua gesels het. Ek was opreg besorg oor die **uitslag van die vergadering** en of hulle die regte pastoor sou kry. Ek het reeds die feit aanvaar dat ek ander mense geoordeel het, **maar daar was steeds 'n onrus in my oor daardie vergadering wat nie wou laat los nie**. Hier is Yeshua se antwoord. 🙏

Ek het skielik gestop, stilgestaan en Yeshua gevra oor die vergadering. Ek wou weet of daar iets gesê was wat nie gesê moes gewees het nie en of daar iets nie gesê was nie wat wel gesê moes gewees het. Hier is Yeshua se antwoord aan my:

'As 'n man deur Elohim se Gees 'n woord van kennis en 'n woord van wysheid ontvang, en dit is geopenbaar dat daar 'n probleem met iemand is, is dit die oordeel van die man of die oordeel van YHWH?'

Yeshua was besig om met my te deel oor Esegiël, daarom was my gedagtes soos volg: 'Toe Esegiël oordele oor die mense uitgespreek het, was dit nie sy oordele nie, maar Elohim se oordele deur hom.' Ek het hierdie feit begryp. Yeshua het my gedagtes geken. Yeshua het voortgegaan. 🙏

'As hierdie selfde man begin om dieselfde probleem in diegene rondom hom te sien, is dit die man se oordeel of die oordeel van Elohim?'

Die antwoord was duidelik en ek het toe 'n bietjie later gevra: 'Wat is oordeel dan?' Yeshua se antwoord: 🙏

'As 'n regter nie al die bewyse het nie en hy maak 'n bevinding, het hy 'geoordeel'. As 'n regter al die bewyse het en 'n bevinding maak, het hy 'n gesonde besluit geneem en nie geoordeel nie.'

Wat Elohim my vertel het, het volmaak sin gemaak en was eenvoudig: As jy al die bewyse het, oordeel jy nie, maar neem eerlike besluite.

Wanneer ons Elohim se bewyse het, oordeel ons nie, maar ons neem gesonde besluite, gebaseer op Elohim se oordeel. Wanneer Elohim iets aan 'n profeet uitwys is dit Sy oordeel, nie die profeet s'n nie.

YHWH Elohim is die 'Hoofregter'. **Hy weet alles**, selfs die gedagtes of bedoeling van die hart.

As ons dus roem, laat ons roem in Hom en in dit wat Hyself gesê het by **Jer. 9:23-24** So sê YHWH: *...dat Ek YHWH is wat goedertierenheid (oordeel), reg en geregtigheid op die aarde doen (uitoefen); want in dié dinge het Ek 'n behae, spreek YHWH.*

Toe het ek verstaan dat ek in die komiteevergadering die situasie geoordeel het, nie die mense nie. Elohim het vir my meer bewyse gegee – **Sy bewyse** – en dus **Sy oordeel oor die situasie**. Ek het dus nie geoordeel toe ek opgemerk het daar ander kan wees in dieselfde posisie as my vrou nie, want die bewyse was reeds daar. Eintlik was hulle wat my beskuldig het besig om *te oordeel* op grond van hoe dinge voorgekom het en nie volgens enige wettige bewyse nie. Hulle het nie al die feite gehad nie en dus ook nie Elohim se insae in die saak nie, ook het hulle ook nie al die skrifgedeeltes geken aangaande hierdie onderwerp nie.

Hierdie ervaring het my begrip van oordeel verbreed. Dit het my ook bewus gemaak van die feit dat mens al die bewyse en al die Skrifte oor 'n onderwerp moet bymekaarmaak om die ware prentjie te kan sien.

Nadat Elohim aan my die meganika van redding gewys het, het ek verstaan hoe enige Skrif wat deel is van redding kan pas in die ware prent, sonder teenspraak. Om 'n regverdige oordeel te vel, moet mens al die bewyse hê, of die antwoord direk van YHWH af gekry het. Om nie al die bewyse te hê nie, veroorsaak 'n oordeel. Wat Elohim openbaar in die oordeel, is altyd 'n regverdige oordeel, of ons dit begryp of nie. Ons kan nou sien waarom die kerk die funksies van 'n apostel en 'n profeet benodig. Hierdie twee bedienings produseer die openbaring van Elohim se oordeel. Genade kom na oordeel, nie vooraf nie.

Hoe Lank is die Ewige Lewe?

Die ewige lewe is nie iets wat ons as Christene wil hê dat enigeen moet mis nie, maak nie saak wie dit is nie of wat hulle gedoen het nie. **Het jy enige idee hoe lank die ewige lewe is?** Die volgende skrifgedeelte het vir my as jong seun altyd gefassineer want ek het verstaan dat jy nooit wes kan vind wanneer jy oos gaan nie en jy kon nooit oos kan vind as jy wes gaan nie. Ek het ook geweet dat ons geen idee het van hoe vêr dit regtig is nie.


Psalms 103:12 *So ver as die ooste verwyderd is van die weste, so ver verwyder Hy ons oortredinge van ons.*

Ek het verstaan dat die fisiese lewe as afstand verteenwoordig kan word. In 1980 het hierdie nuuskierigheid oor die ewige lewe oor my gekom. Op een stadium het ek 'n visioen gehad waar ek myself met 'n redelike groot gehoor sien praat het. Dit was vir my moeilik om te glo, aangesien dit nie iets is wat ek geniet om te doen nie. Vader het vir my in daardie tyd die openbarings gegee oor redding tot die ewige lewe.

Op 'n dag vra ek toe: "Yeshua, as ek met die mense oor redding tot die ewige lewe moet praat, sal U vir my iets gee om aan hulle te vertel oor die ewige lewe?"

Yeshua het geantwoord: 


"Neem die oppervlakte van die Aarde. Laat dit die ewige lewe verteenwoordig. Neem nou 'n speld en prik die grond. Daardie speldeprik verteenwoordig jou huidige lewe. Hoeveel speldeprikke gaan dit neem om die hele aarde te bedek?"



Ek was verstom, want ek het geweet dit sal triljoene op triljoene speldeprikke neem om die aarde te bedek! Dit beteken triljoene op triljoene van ons huidige lewensduurtes.

Boonop vra Yeshua toe vir my:

"Wat gebeur wanneer jy die speld in die grond druk net langs die prik wat jy so pas gemaak het?"



Ek het die volgende prentjie in die visioen gesien en ek kon sien dat wanneer die speld in die aarde langs die eerste speldeprik ingaan wat hy so pas gemaak het, het dit veroorsaak dat die oorspronklike gat weer opgevul word. Hoe meer speldeprikke daar rondom daardie eerste speldeprik gemaak word, hoe voller het die oorspronklike gat geword.

As jy dus die hele aarde met speldeprikke wou vul, sou jy nooit buitekant 'n vierkante sentimeter beweeg nie want die gaatjies sal voortdurend weer gevul word en **Elohim het gesê om die hele aarde daarmee te bedek.**

Wat 'n vergelyking! Ek was baie beïndruk met die idee dat hierdie lewe in werklikheid ophou bestaan wanneer vergelyk met die ewige lewe. Geen wonder dat Hy ons sondes nie net kan vergewe nie, maar dit kan uitwis!

Weervoorspelling vir die wêreld!

El Nino is glo verby, waarom duur dit voort?

Visioen van 28 Februarie 1996:



Ek het Yeshua in die ruimte sien staan met die aarde wat stadig draai by Sy voete. Skielik sak Hy totdat die aarde regoor sy middel is. Ek het gesien hoe Hy Sy vinger naby die bopunt van die aarde plaas soos wanneer iemand 'n bal laat tol, wat veroorsaak dat die aarde vinniger tol. Ek het gesien hoe die aarde ontwig raak.

(Tydsverloop)

2. Weer het ek gesien hoe Yeshua sy vinger gebruik om die aarde nog vinniger te laat tol. Die vloei van wolke het al hoe meer verstoer geraak.

(Tydsverloop)

3. Vir die derde keer het Yeshua met sy vinger die aarde steeds vinniger laat tol. Die wolk het begin tuimel in plaas van vloei.

(Tydsverloop)

4. Skielik het Hy albei hande aan weerskante van die aarde geplaas en dit oombliklik gestop.

Wat het gebeur sedert die visioen gegee was?



Op 26 Augustus 1997, het Yeshua my gewys dat ek 'n aparte prent moes maak van elke wolktoneel wat drie verskillende tye en drie onderskeie vlakke van omgekrapte weer uitbeeld. (Nota: Die tonele hieronder beeld nie genoeg wolkbedekking in elkeen uit nie.)



Toneel 1

Een aand op TV het die weerman gesê ons kon iets sien wat seldsaam was. Jy kon die boonste stralerstroom wolke sien. Ek was nogal geskok oor dit gelyk het na dieselfde wolkvloei wat Yeshua my gewys het in die eerste toneel van die versteuring van die normale wolkvloei oor die aarde.



Toneel 2

Ek sal hierdie voltooi sodra Yeshua bekendmaak dat ons die betrokke fase ingegaan het. Ons sal op een of ander manier weet en dan sal iemand seker sê: “Ek het jou gewaarsku om aandag te gee aan Aardverwarming!”

Toneel 3

Hierdie toneel is profeties mbt. Vader se dag, die dag van wolke en die dag van Sy skepe in die Bybel! Maak seker dat jy oor die dag van wolke lees in artikel “Elohim se Skepe”.



Toneel 4

Die finale Toneel. Wat van die einde van die visioen: die aarde gestop deur Yeshua? Simbolies beteken die versnelde tol van die aarde, dat tyd versnel (daar word verkort soos die Bybel sê.) In die visioen veroorsaak dit ook die weer wat sterker wind meebring. **Die stop van die aarde, soos simbolies gesien in die visioen, sal beteken geen opwaartse strome en geen wind, wat ook Skriftuurlik is.**

Openb. 7:1 *En ná hierdie dinge het ek vier engele op die vier hoeke van die aarde sien staan, en hulle het die vier winde van die aarde vasgehou, sodat geen wind sou waai op die aarde of op die see of teen enige boom nie.*

Ter bespreking van die visioen: Yeshua het bekendgemaak dat die weer meer uiterstes gaan hê soos ons deur tyd beweeg omdat die wolke onstuimiger gaan wees. Die weer sal rekords opstel in elke aspek en dit vermeerder soos ons aangaan. Droog sal droër wees en nat natter. Met tydsverloop sal dit meer opvallend raak. Een ding is vir seker: **Die gewone persoon op straat neem Vreemde Weersomstandighede waar!**

Maar Elohim sal nie Sy volk oningelig hou nie. Hy doen niks sonder 'n doelwit nie en die Skrif sê Hy sal mense waarsku deur Sy profete! Voor ons by Sy doelwit kom, laat ons kyk na die effek van sterker winde en lugstrome. Dit is net logies dat die tuimelende wolke in die visioen sterker wind en reuse lugstrome sal bevat (**uiterstes**).

Is sterk winde, lugstrome en hul effek in lyn met die Skrif?

Iets wat gebeur wanneer die wind sterker word in 'n donderstorm, is dat dit groter en meer hael produseer, weens sterker opwaartse lugstrome. As jy die woordeboek definissie van hael lees, sal jy vind dat verduidelik word dat hael gedurende donderstorms geproduseer word, veroorsaak deur water wat deur sterk lugstrome omhoog gehou word. Dit is logies dat hoe sterker die lugstroom, hoe groter die hael omdat klein hael, wanneer dit gevorm het, langer opgegaar word en dan groter word.

Hier volg Skrif wat na hael verwys:

Openb. 16:21 en groot hael, omtrent 'n talent swaar, het uit die hemel op die mense geval; en die mense het Elohim gelaster oor die plaag van die hael, omdat sy plaag ontsettend groot was.

Psalms 148:8 Vuur en hael, sneeu en damp, stormwind wat sy woord volbring;

Hag. 2:17 Ek het julle swaar getref met brandkoring en heuningdou en hael—al die werk van julle hande—nogtans het niemand van julle hom tot My gewend nie, spreek YHWH.

Openb. 11:19 En die tempel van Elohim het in die hemel oopgegaan, en sy verbondsark is in sy tempel gesien, en daar was weerligte en stemme en donderslae en aardbewing en groot hael.

Dit gee nogal 'n interessante prentjie weer! Meer van dié prentjie is ter sprake in die dag van wolke in die artikel: “YHWH se Skepe.”

Ek het geleer (sedert ek in die bediening Vader se weë leer ken het) dat dit 'n ramp verg voordat mense in opregtheid na Hom toe draai – saam met die verwerping van vals leringe.

Sommige raak deur benoudheid leersaam! Die Bybel sê ons leer gehoorsaamheid deur smarte, benoudheid en nood. Vader sal ook met Sy rebelse kerk in die wêreld afreken, en party sal so gehoorsaamheid aanleer.

Skriftuurlike rede vir benoudheid of oordeel.

Jes. 26:9 *Met my siel begeer ek u in die nag; ook met my gees in my binneste soek ek U; want as u oordele op die aarde is, leer die inwoners van die wêreld geregtigheid.*

Geregtigheid is 'n “aangeleerde” DAAD!

I Joh. 3:7 *My kinders, **laat niemand julle mislei nie**: wie die geregtigheid doen, is regverdig soos Hy regverdig is.*

2 Januarie 1999 Die Gekners van Tande

Die nag van 2 Januarie 1999 het Yeshua my getoon daar is iemand wat gedeeltelik of alles van hierdie materiaal gelees het en wat sê: “*Dit verg te veel moeite en opoffering!*” Dis 'n persoon, of persone, wat in die posisie is om hierdie informasie aan ander oor te dra. Die punt is dat hierdie persoon ten minste sommige dele van wat Yeshua in hierdie skrywes openbaar het, glo, maar sê dit verg selfs te veel om dit aan ander mense te bied of in hulle eie lewens toe te pas!

Omdat Yeshua my dit gewys het, moet ek dit duidelik maak: Daar is geen veroordeling in hierdie artikel deur my of Yeshua nie. [Hy wil hê jy moet dit weet](#). Hy verwerp nie, maar openbaar net die waarheid. **Ek deel jou die waarheid mee oor wat met jou sal gebeur** in die hiernamaals as jy jou in bogenoemde posisie bevind (van te veel moeite en opoffering).

Die Bybel sê ons moet die koste bereken van dit wat ons wil doen. Om die koste korrek te bereken, moet jy die volledige prent hê, nie net wat ons waarneem uit ons natuurlike oogpunt nie.

Luk. 14:27 *En elkeen wat sy kruis nie dra en agter My aan kom nie, kan my dissipel nie wees nie. 28 Want wie van julle wat 'n toring wil bou, gaan nie eers sit en die koste bereken, of hy die middele het om dit uit te voer nie? —*

Toe ek destyds in 1980 vir Yeshua gesê het ek sal doen wat ook al Hy wil hê ek moet doen, het ek nooit besef wat dit sou behels nie. Daar was geen manier om te weet waarheen Hy my sou vat nie, of wat Hy van my sou verwag nie. Ek het tot die oortuiging geraak dat die enigste koste wat ons kan bereken wanneer ons “Ja” sê vir Vader, is daardie besluit om ons eie kruis te dra, ongeag hoe swaar dit word. As ons sou ingee wanneer dit te swaar raak, dan stagneer ons. Dit mag dalk nie vir die wêreld so lyk nie, maar glo my, die waarheid is steeds in die hemel opgeskrywe. Die werklike skuldige is die satan. Hy is die een wat verskeie gedagtes by ons plant, soos: “*Te veel moeite en opoffering!*” en “*Kyk net wat alles sal gebeur!*” Die satan gebruik die natuurlike vir sy doelwit en maak nie bekend wat met jou in die hiernamaals sal gebeur nie!

Gekners van Tande

Yeshua het hierdie woorde baie gebruik. Ek het die gekners van tande ondervind toe ek eindelijk erken het hoe verlossing plaasvind. Omdat ek eindelijk die waarheid erken het, het ek ook die waarheid besef oor al die vals leringe van die mens oor die onderwerp. Toe ek beide die waarheid en die vals leerstellings opgemerk het, **het ek op my tande gekners!** Dit het net gebeur! Dit was nie iets deur Elohim veroorsaak nie, maar was die gevolge van die suiwer waarheid te besef. Laat ons kyk na 'n prent deur Yeshua oor die bruilofsfees.

Mat. 22:11 *En toe die koning ingaan om na die gaste te kyk, sien hy daar iemand wat nie 'n bruilofskleed aan het nie. 12 En hy sê vir hom: Vriend, hoe het jy hier ingekom sonder 'n bruilofskleed aan? En hy kon geen woord sê nie. 13 Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande.*

Daardie man het geweet van die troue en wat dit behels het. Hy wou daar wees, maar hy was nie behoorlik geklee in die bruidsgewaad nie. Hy was sprakeloos geskok, want hy het geglo hy was veronderstel om daar te wees, maar hy is verwyder oor sy vorige daade. (Elohim het hom nie na sy naam gevra nie, maar het gereageer op sy kleredrag!) Dan staan daar: “*...Daar sal geween wees en gekners van die tande.*”

Weens my ondervinding van in die hemel te wees en my ondervinding van op my tande te kners, weet ek dat almal by die troue op hulle tande sal kners wanneer enige iemand uitgesmyt word, nie slegs die persoon wat uitgegooi is nie. Die hartseer is dat hulle wat die bruiufskleed aangehad het, kon nie vir die uitgesmyte man doen wat gedoen moes gewees het nie. Hy moes daardie dinge (gesimboliseer deur die bruiufskleed) alreeds self gedoen het. Geen uitsonderings. (Jy trek aan vòr die troue!)

'n Soortgelyke toneel speel af in die gelykenis van die tien maagde, waar vyf nie van hulle lampolie aan die ander vyf kon gee wat geslaap het nie, anders sou hulle self nie genoeg hê om hul bestemming te bereik nie. Slaap jy terwyl Elohim in werklikheid besig is om 'n bruid vir Sy Seun voor te berei? Is jy besig om aan te trek vir die plegtigheid (deur jou dade)?

Hardloop en moenie omkyk nie!

Hoor My nou, sê Elohim, Ek is 'n wese van geloftes en in daardie geloftes is daar geen verskeidenheid nie. Ek tugtig my dienaars wat Ek lief het. Dit is tyd vir My vlekkelose Bruid. Suiwering is in My kerk, suiwering, suiwering. Onwaarheid moet gaan. Jy is in die vuur. Wie is dit wat kan hoor? Wie is dit wat kan sien? Wie is dit wat sal ontvang? Ek sê vir jou: "Wees soos Paulus." Moenie broei op mislukings van die verlede nie, maar wees vernuwe in jou gemoed en jaag na My hoë roeping vir jou. Moenie terugkyk nie. Paulus het nie teruggekyk na daardie lewens wat hy vernietig het nie. Ek het vertroue in jou dat jy nie sal terugkyk na daardie siele wat jy gemis het nie. Sien uit na die oes met begrip. Wees soos Paulus en verander. Wees soos Paulus en voltooi die wedloop, gevul met barmhartigheid, waarheid en eenvoud. Neem My hart, leer van My hart en vat dit na die mense toe. Leer My weë, volg My weë – nie My dade; want ek is jou Elohim wat lei, leer en instruksies gee. Ek is die Een wat reeds die geveg gewen het. So, hardloop en moenie terugkyk nie.

Hardnekkig – Wie Ek?

"Nee! Dit het My drie jaar geneem om jou te oortuig van wat Ek jou aan die begin gewys het."

Geskok soos ek was om hierdie antwoord van Yeshua te hoor, het ek na kerk daaroor met my vrou gepraat op pad na die parkeerarea. Ek het terug gedink en besef Hy was reg. Dit het drie jaar geduur voordat ek erken het dat Hy reg was.

Destyds in 1980 het Hy in 'n visie aan my 'n waarheid getoon. Maar ek het aan my oortuigings vasgehou, tot eendag, drie jaar later, toe dit gebeur het... My stywe nekheid het gebreek. Alles wat Hy my gesê en gewys het, het uiteindelik gesny tot in die murg van my gebeente. Ek het op my tande gekners oor die waarheid wat aan my gewys is, net omdat ek erken het Hy was reg en dat wat ek wou glo, verkeerd was. Ek het voor ons Koning geween vir die mensdom, veral vir Sy kerk. Die krag het gewyk uit my liggaam en ek kon beswaarlik staan. **Ek het vir drie jaar geklou aan dit wat ek wou glo.** Nou was dit vir altyd weg. Elohim het dit van my gevat. Dit wat ek wou glo, was sand en dit sou nie water kon hou nie. Wat Hy aan my gewys het, was gebaseer op die rots, op wat Yeshua gesê het.

Ek sou nie myself as hardnekkig beskou het terwyl Elohim aan my gewerk het nie, maar wanneer ek terugkyk, weet ek van beter. Christene dink hulle is buigsaam in Elohim se hand, maar Hy het my sagkens gewys hul is nie. Ironies genoeg het Hy my vertel Hy stuur my na hardnekkige mense toe en later het Hy gesê Hy stuur my na Sy kerk toe. Ja, een en dieselfde en ek is deel daarvan, deel daarvan om hardnekkig te wees. Ek het net nooit die twee saamgevoeg nie. **Klou jy aan dit wat jy wil glo?**

Lees die *Dood van 'n Troeteldier* boekie. Elohim gee 'n illustrasie van die krag van die wil van die mens om te glo wat hy wil glo!

Elohim deel met my oor Trots!

Vader sê ons is uitverkore. Hy bring ons uit die donker tot in Sy lig (van Sy Woord en Sy Koninkryk). Hy sê ons dink nie soos Hy nie. Hy moet ons denkwysse verander, ons dinkpatroon, voordat ons Christene sal kan bereik wat nodig is in hierdie laaste dae.

Byvoorbeeld: Vader moes met my deel oor die vertelling dat ek hemel toe was. Ek het gedink dit sou hoogmoedig wees om dit in te sluit by my skryfwerk. Ek was gehoorsaam aan Elohim, maar daar was protes aan my kant. Hy het aangehou om te sê dat ek die waarheid moet praat. Ek het eindelijk toegegee aan Sy bevel. Ek weet die volgende visioen is meestal vir my bedoel, maar die Bybel sê al die gawes is geskenk om die hele liggaam van Yeshua te bevoordeel.

1 Kor 12:7 *Maar aan elkeen word die openbaring van die Gees gegee met die oog op wat nuttig is.*

(NKJ): *But the manifestation of the Spirit is given to each one for the profit of all.*

Die duiwel, direk of deur ander mense, weerhou graag Christene daarvan om die waarheid te praat en te deel in die 'sake van die Gees', wat Elohim ons geleer het en vir ons in ons lewens gedoen het. Hy impliseer dat om dit te doen, toon hoogmoed. Hierdie kom van die gees van hoogmoed af, ingegrawe agter gedagtes soos: "Wie dink jy is jy?" 'n Belangrike rede waarom die kerk nie ware profete en apostels van Elohim erken nie, is ook te danke aan 'n *gees van hoogmoed*: "Wie dink jy is jy?"

In die volgende nagvisioen sê Elohim iets oor hoogmoed (direk verwant aan *hoogmoed*). Elohim wil dat jy onderrig raak sodat jy effektief kan wees vir Sy doel. Meestal sien ons dinge nie soos Elohim dit sien nie. (As ons kon verstaan hoe Elohim dinge sien, kan dit ons soms die krag gee om vorentoe te beur.)

Hier openbaar Elohim hoe Hy mense in die kerk beskou wat hulle eie lering en idees, wat nie van Hom afkomstig is nie, aanhang. **Dit was baie meer as 'n Sondagskool les vir my!**

Op 29 January 1998, het Yeshua my hoogmoed, of wat ek gedink het hoogmoed was, met my opgeneem. Ek glo die visioen spreek vanself en sal met jou spreek in jou situasie. Jy mag dalk aan albei kante van die prent wees wat hier geskilder word.

Die toneel was bokant my kop terwyl ek in my bed was. Ek was aan die argumenteer, of debateer met 'n ander man. Hierdie man (van aansien) het geklou aan wat hy geglo het. Ek het eindelijk kwaad geword en gesê: "Ek was hemel toe, jy nie. Ek weet waarvan ek praat!"

Ek het onmiddellik wakker geskrik en regop gesit om met Elohim te praat en te sê: "*Ek sal dit nie doen nie, dis hoogmoed!*"

Vader het uit die visioen vir my gesê: "*Dit is **hoogmoed** dat hulle **dink hul kan enigiets weet**, as hulle dit nie van My af ontvang het nie.*"

Ek het amper hierdie artikel in die Heilige Gees afdeling van die boekies geplaas, want dit is die gebrek aan kennis oor hoe die Heilige Gees leer, wat die wortel van die probleem is.

Kry jou kopie van Hoe die Heilige Gees leer.
Leef ons in die Laaste Dae?
Elohim het my oortuig!

Yeshua het gesê:

Mat 24:37 *En net soos die dae van Noag was, so sal ook die koms van die Seun van die mens wees.*

Yeshua het gesê ons sal nie weet watter **dag of uur** dit sal gebeur nie en Noag het ook wat die vloed betref, nie geweet nie! **Maar...** **"Elohim het Noah gesê presies wanneer om die Ark binne te gaan!"** Dus het Noag geweet dat die tyd van oordeel aangebreek het.

<p>Ek het Rusland gesien</p> 	<p>En daarna China</p>  <p>& Indië</p>	<p>En daarna die</p>  <p>Midde Ooste</p>	<p>En daarna die aarde</p> 
<p>Sien vervulling hieronder</p>	<p>Konings van die Ooste</p>	<p>Dit was uitgelê!</p>	<p>'n Stem het gesê, "Glorie, Glorie, Glorie aan Elohim. Hy giet Sy Gees uit oor die Aarde!" Later was vir my gesê dat My oë die glorie van Yeshua se koms aanskou het</p>

Visioen vervul: Nov.- Des.1991, toe die USSR beëindig is, het ek my sitkamer binnegestap en die presiese beeld op die tv skerm gesien wat ek oor Rusland gesien het in die visioen van 1980.

Elohim se Woord het gelui: ***"Ek berei die Eindtyd verhoog voor, vir Eindtyd gebeur."***

Ek het skielik besef Rusland was nou in sy regte stadium vir **Bybelse eindtyd gebeur!** Ek het tevore nie besef Rusland se posisie in die beplanning van dinge was nie Bybels korrek vir die Eind Tyd nie. Vader se woorde het PRESIES in vervulling gegaan!

Hab. 2:3 *Want die gesig sal nog duur tot op die vasgestelde tyd; maar dit spoed na die einde en sal nie teleurstel nie. As dit mag vertoef, wag daarop; want alte seker sal dit kom en nie versuim nie:*

Wat is die “teken” van Elohim aan my en jou? Ons het die eindtyd gebeurde nou binnegegaan.

Dit sou beteken al die eindtyd skrifte is van toepassing. Dit sluit in: (onbekend aan die mens) leringe van duiwels in die kerk, leiers en onderwysers (met jukkende ore) wat self onderrig benodig. Vorme van goddelikheid, vlekke tot vlekkeloosheid moet bewaarheid word in die kerk, ens. Dit is net so werklik as YHWH wat Israel uit Egipte verlos. Dit is net so werklik as Yeshua wat kruis toe gaan.

Sjina en Indië – Konings van die Ooste

Openb. 16:12 *En die sesde engel het sy skaal uitgegooi op die groot rivier, die Eufraat, en sy water het opgedroog, sodat die pad van die **konings wat van die ooste** af kom, reggemaak kon word.*

My Huis

Die Bybel verwys dikwels na "my huis", of "n huis". Dit verteenwoordig 'n ander toneel van Elohim se Koninkryk, Elohim se ware gesuiwerde kerk. YHWH noem soms Sy kerk 'n huis.

2 Tim. 2:19 *Ewenwel, die fondament van Elohim staan vas met hierdie seël: YHWH ken die wat syne is; en: Laat elkeen wat die Naam van Messias noem, afstand doen van die ongeregtigheid. 20 Maar in 'n groot huis is daar nie alleen voorwerpe van goud en silwer nie, maar ook van hout en erdewerk; en sommige tot eer, maar ander tot oneer. 21 As iemand hom dus hiervan deeglik reinig, sal hy 'n voorwerp tot eer wees, geheilig en bruikbaar vir YHWH, toeberei vir elke goeie werk.*

Hier sien ons dat elkeen wat die Naam van *Messias* aanroep in 'n groot huis is. Die noem van Sy Naam is jou verklaring van geloof (bevestiging) aan 'n ander persoon dat Yeshua is wie Hy is. Paulus sê ook dat enige een wat dit doen, moet wegbreek van wetteloosheid, maar hy gaan voort deur te sê daar is diegene wat dit nie sal doen nie. Daarom is daar diegene in Vader se huis (kerk, koninkryk) wat Hom nie eer nie, maar nogtans is hulle steeds gered (steeds in Vader se huis). Dus, in hierdie groot huis is daar diegene wat eer en ander wat nie eer nie. Dieselfde prentjie word aangebied in 'n Koninkryk stelsel.

Matt. 5:17-19 *Moenie dink dat Ek gekom het om die wet of die profete te ontbind nie. Ek het nie gekom om te ontbind nie, maar om te vervul. Want voorwaar Ek sê vir julle, voordat die hemel en die aarde verbygaan, sal nie een jota of een titteltjie van die wet ooit verbygaan totdat alles gebeur het nie. Elkeen dus wat een van die minste van hierdie gebooe breek en die mense só leer, sal die minste genoem word in die koninkryk van die hemele; maar elkeen wat dit doen en leer, hy sal groot genoem word in die koninkryk van die hemele.*

Ons sien dieselfde toneel van mense wat nie Vader se wette gehoorsaam nie en steeds in Sy Koninkryk is, net soos die toneel in YHWH se huis. Hier sien ons ook dat selfs hulle wat verkeerde dinge leer, steeds daar is, maar word genoem die “minste” in die koninkryk. Die rede hiervoor is dat Yeshua se bloed ons sonde aan weerskante van ons oomblik van verlossing bedek.

Jy kan jou redding tot die ewige lewe verloor deur Yeshua te ontken, maar om te sondig is nie om Hom te ontken nie. Sonde is die gebrek aan beheer oor jou vlees, asook 'n gebrek aan kennis. Ek het 'n bietjie van die onderwerp afgewyk, maar dit was nodig dat ek dit hier sê. Ek het dinge so aangebied dat ons kan sien dat Elohim baie tonele van gebeure in die Bybel so skets dat ons 'n beter begrip kan kry van wat Hy sê. Deur gehoorsaamheid en die doen van geregtigheid maak deure na die vyand toe en bring ons in YHWH se beskerming in.

Dit is belangrik om jou huis in orde te hê.

2 Kon. 20:1 *In dié dae het Hiskía dodelik siek geword; en Jesaja, die seun van Amos, die profeet, het by hom gekom en vir hom gesê: So spreek YHWH: **Gee bevel aan jou huis, want jy sal sterwe en nie lewe nie.** (“Kry jou huis in orde, want...” KJ vertaling.)*

Ek dink die toneel soos deur Yeshua geskilder is moontlik die heel belangrikste om te verstaan. Yeshua se verbondsbeloftes is in Sy woorde (**en na my woorde luister en dit doen**). Ons moet ons gedeelte van die verbondsbeloftes bekragtig om in verbond met Hom te wees. Iets uit Elohim se mond, of uit Yeshua s'n moet in die fondasie van ons lering en werke wees, as 'n persoon en Sy ware Kerk. Hier verwys Hy na jou as iemand wat 'n huis bou, maar dit kan ook vertolk word as die bou van 'n koninkryk of 'n kerk.

Luk. 6:47-49 *Elkeen wat na My toe kom en na my woorde luister en dit doen Ek sal julle wys soos wie hy is. Hy is soos 'n man wat 'n huis bou, wat gegrawe en diep ingegaan en die fondament op die rots gelê het; en toe die vloedwater kom en die stroom teen daardie huis losbreek, kon hy dit nie beweeg nie, omdat sy fondament op die rots was. Maar wie dit hoor en dit nie doen nie, is soos 'n man wat 'n huis sonder fondament op die grond bou, en die stroom het daarteen losgebreek en dit het dadelik geval, en die instorting van daardie huis was groot.*

Jy bou jou geestelike huis volgens wat jy ingeneem, of uit die lug gegryp het as die waarheid, reg of verkeerd. As jy visioene of drome oor jou huis het, is Vader besig met jou oor wat jy glo, of wat jy doen. Ons lewe in die laaste van die laaste dae en Hy het gesê mense sal drome en visioene hê in hierdie tyd. Hy sal aanhou om dit te doen, ongeag of mense dit verstaan of nie, want Hy het so gesê. Hy wil dat jou huis (dit wat jy glo) ordelik moet wees wanneer Hy kom, of as jy Hom met jou dood ontmoet. Elohim het altyd 'n doel met alles wat Hy doen. Toe Vader my daarop gewys het dat ek sou moes verander wat ek geglo het oor tiendes, het Hy my 'n droom gegee. In hierdie droom moes ek die motief van die muurpapier in die woonkamer verander. Ek moes die nuwe motief van Texas af kry. Later het 'n vriendin van my na 'n plek in Texas gegaan waar hulle Hebreeus bestudeer en vertaal. Sy kom toe terug met inligting oor hoe die vroeë kerk die tiende hanteer het. Dit het die motief op die muurpapier in my woonkamer verander. Nou glo ek nie net anders nie – ek leef wat ek glo! Ek demonstreer wat Elohim my van Texas af geleer het. Daarom was dit die muurpapier van my woonkamer ("living room").

'n Ander keer het Vader ook met my gewerk deur 'n droom oor my huis: My vrou en dieselfde vriendin het vir my gesê dis nodig dat ek Tulsa toe gaan. Ek het half en half gevoel dat ek moes gaan, maar ek wou weet hoekom voor ek vertrek. Dit het vir my dom gelyk om so ver te reis sonder om te weet wat ons daar moes doen. Toe het Vader my die droom van my huis gegee. *Daar het 'n ou man daar gewoon en ek kon nie my intrek neem voordat die ou man uitgetrek het nie!* Ek het geweet wat die droom beteken: Ek het nie in geloof gewandel nie. Ek het gewandel soos altyd – in die vlees. Ek wissel geloof het te make met onsigbare dinge. Ons het toe Tulsa toe gegaan en, sonder detail, kan ek jou verseker ek MOES gaan!

By 'n ander geleentheid het Elohim aan my die huis van 'n ander persoon gewys. Sy wou niemand toelaat in haar voorportaal nie, daar waar almal hulle jasse hang wanneer hulle inkom van buite af. Sy het dit gesluit gehou. Elohim het gesê sy wil nie dat Hy dit wat daardie familie versteek het, hanteer nie. Dit verhoed genesing van die verlede of herstel in hulle lewens.

Eendag het Yeshua teenoor my na 'n kerk as 'n 'huis' verwys. Dit was 'n Woord-Kerk in 'n spesifieke dorp. Dit het **geen fondasie** gehad nie. Dieselfde simboliese betekenis geld, of dit 'n persoonlike huis is, 'n kerk huis, of 'n Koninkryks(nasie) huis. As Elohim aan jou jou huis wys en daar is geen fondasie nie, of daar is 'n probleem met die fondasie, dan moet jy besef dat jy iets miskyk. Dan het jy “verkeerde denkwyses en verkeerde oortuigings” oor iets fundamenteels in Vader se Woord. Verkeerde denkwyses produseer verkeerde aksies. Dit is baie ernstig.

Verkeerde aksies sal jou huis laat instort en vernietig raak, as daar nie verandering is nie. Verkeerde denkwyse, verkeerde oortuigings, menslike tradisies en “fundamentele” vals leringe laat mettertyd 'n huis val. Dit sal in die hemel vertoon, indien nie hier op aarde nie. In kontras is die goed deur Vader openbaar en wat met vertrekke en dekor te make het, eerlikwaar nie so ernstig as fundamentele probleme nie, maar moet nogtans reggestel word. Elohim is aan jou kant en weet wat jy of 'n gemeente nodig het. Hy kom na 'n vleklose gemeente toe, 'n ordelike huis! Ek het hierdie met jou gedeel sodat jy begrip kan kry vir die Heilige Gees se werkwyse met 'n individu “as 'n huis”, of die gemeente (kerk) “as 'n huis”.

Dit is 'n baie ernstige saak!

ELOHIM SE SKEPE – DIE DAG VAN WOLKE

Hierdie stuk behoort jou te help oortuig dat Elohim gereedmaak vir eindtyd gebeure. Dit wys ons ook dat die bruid nog hier sal wees tydens daardie gebeure. Dit is nie moeilik om te aanvaar wanneer jy besef die vleklose – getroude – Bruid sal onder Elohim se beskerming wees nie. Soos ek gesê het, Vader het beplan by die ouderlinge vergadering dat ek tyd sou deurbring met 'n profeet met 'n uiters belangrike opdrag wat openbaar is in Sy Woord. Nog eens: Ons is nie hier om aandag op mense te vestig nie, maar op dit wat YHWH deur mense doen!

James Banfield was deur Elohim opdrag gegee om twee skepe te bou: Openbaring I en Openbaring II. Hulle is bedoel vir Vader se eindtyd doelwit.

Sedert die laaste byeenkoms van die apostels, het ek e-pos korrespondensie met hierdie man gehad. Weens hierdie korrespondensie en oor ek sy webwerf ontdek het, het ek 'n baie beter konsep begin kry van YHWH se eindtyd plan en ons betrokkenheid daarby. Ek is oortuig dat die struktuur wat Vader onder sy ware apostels en profete oprig, so sal bly tot by Yeshua se koms. Hulle doel is om verskeie take te verrig vir Hom, die Koning van die konings! En tog, ek weet ons kry net 'n vlugtige kykie op wat Elohim werklik beplan het.

Ek het sketse van hierdie skepe gesien en het reeds die kaliber manne ontmoet, onderdanig aan Yeshua, wat met Vader se outoriteit van hierdie skepe af kan praat. Is die skepe Bybels? Ja, hulle is, alhoewel ons ten dele weet, net soos Moses slegs ten dele geweet het van alles wat sou gebeur toe hy hom beskikbaar gestel het om deur Elohim gebruik te word om Israel te bevry.

Eseg. 30:1-9 *Verder het die woord van YHWH tot my gekom en gesê: Mensekind, profeteer en sê: So spreek YHWH Elohim: Huil julle! Ag, die dag! Want naby is 'n dag, ja, naby is 'n dag van YHWH, 'n dag van wolke; die tyd van die nasies sal dit wees. Dan sal 'n swaard in Egipte kom, en daar sal ang in Kus wees as die wat verslaan is, val in Egipte, en as hulle sy rykdom wegneem en sy fundamente afgebreek word. Kus en Putéërs en Ludiete en die hele gemengde bevolking en Kub en die kinders van die daarmee verbonde land sal saam met hulle val deur die swaard. So sê YHWH: Ja, hulle sal val wat Egipte ondersteun, en sy trotse mag sal wegsink; van Migdol af tot by Siëne sal hulle daarin val deur die swaard, spreek YHWH Elohim. En dit sal verwoes wees tussen die verwoeste lande in, en sy stede sal wees tussen die verwoeste stede in. En hulle sal weet dat Ek YHWH is, as Ek 'n vuur werp in Egipte en al sy helpers verbreek word. In dié dag sal daar boodskappers voor My uit wegvaar in skepe om die sorgelose Kus te verskrik; en dan sal daar ang onder hulle wees soos in die dag van Egipte. Want kyk, dit kom!*

In die Bybel is Elohim se boodskappers Sy ware apostels en profete en hulle het 'n boodskap van Elohim af! Vader sê: “...sal daar boodskappers voor My uit wegvaar in skepe...” James het baie meer inligting op sy webblad.

As jy al sy getuienis lees, sal jy meer begrip verkry van die doel van hierdie skepe. Maar om jou 'n bietjie insig te gee, sluit ek sy getuienis in van 9 Feb. 1992 (Hoag Hospital, North Newport Beach): “Yeshua het weer met my gepraat en gesê: **‘James, vat My kerk na die mense toe.’** Dié keer het ek geantwoord en gesê: **‘Ja, my Heer, ek wil U kerk na die mense toe vat, maar U sal my moet wys hoe U wil hê dat ek dit moet doen...’**”

Toe het Hy iets gesê wat my in die gees van kop tot toon geskud het: **‘James, bou my skepe. Om jou te wys dat dit ek, YHWH, jou Elohim is wat dit vir jou sê, sal ek jou 7 bevestigings gee. Hier is die eerste: LUK. 5:2.’** en sien twee skuite aan die kant van die meer lê; maar die vissers het van hulle af weggegaan en was besig om die nette uit te spoel.

En dit:

“In die 6de jaar van wag op YHWH neem Hy my na Dan. 11:30 en vra my hierdie vraag: ‘Watter nasie sal hulle oorlogskepe stuur teen iemand wat opstaan teen die Heilige Verbond?’

Ek het geantwoord: “Niemand, my Vader, want niemand sal hulle skepe uitstuur teen ’n ander ter wille van hul godsdienstige oortuigings nie.’” Toe het Hy gesê: **‘Wie se skepe is dit dan hierdie wat die Heilige Verbond verdedig?’** Ek het die antwoord geken: **“Dit is U skepe my Vader, U skepe wat gestuur is om die Heilige Verbond te verdedig!”**

James het vorderingsverslae op die webblad en ek het een gekies vir jou om te sien:

“2/2/2000...Presies 8 jaar nadat Yeshua gesê het: ‘Neem my kerk na die mense toe.’ Ek het die konsep planne gesien, die sketse vir Openbaring I en Openbaring II. **SJOE!!!”**

Met al hierdie dinge, is dit duidelik dat Elohim vinnig besig is om die verhoog gereed te kry vir eindtyd gebeure. Onthou dat Elohim my in 1980 ’n visioen van Rusland gegee het en toe gesê het dit sal ’n teken vir my wees. Toe die USSR in 1991 aan die opbreek was, het ek in my woonkamer ingestap om die TV nuus te kyk.



Voor my was die presiese toneel van Rusland op die skerm wat ek in 1980 gesien het. Ek het die Woorde van Elohim onthou wat gesê het: **“Ek stel die eindtyd verhoog op vir eindtyd gebeur!”** Toe het ek besef Rusland was nou nie meer deel van die Soviët Unie nie en in die regte vorm vir sy eindtyd rol. Elohim het nie so gesê nie, maar dit lyk asof ons nou baie naby die eindtyd is. Baie mense reken ons 6000 jaar huur van planeet aarde het reeds verstryk! Interessant nie waar nie?



Nog 'n Godgegewe onderwerp wat baie interessant is vir my, is in die Skrifgedeelte oor die skepe (wat op die vorige bladsy in blou gedruk is). *Want die dag is naby, die dag van YHWH is naby, 'n dag van wolke.*



Toe Elohim my die visioen gegee het oor die onweer wat moet kom (in die derde toneel), was die aarde heeltemal bedek (omhul) met verskeie soorte wolke. Ek onthou toe ek die toneel voorgestel het, het ek nie genoeg wolke gebruik nie – in die visioen was die aarde nie sigbaar deur die wolke nie. Daar is **drie** onderskeie tonele of tydvakke wat die weer betref, met toenemende wolke en onrus. Dan is daar 'n **finale toneel waartydens die wind nie oor die aarde waai nie**, wat skriftuurlik is. Dit is nie moeilik om te sien nie, dat die apostels en profete op hierdie skepe, *Openbaring I en Openbaring II*, die Skrif sal vervul gedurende die tyd van wolke. Dit is openbaar deur Elohim in die visioen oor die komende onweer. Hy wil ons nie in onkunde laat nie.

Ek het hierdie skrywe tot hier voltooi en op 30 Mei 2000 het ek 'n bedieningsvergadering bygewoon. Daar was baie gebed en ek het aangehou om te probeer fokus op die vergadering, maar Yeshua het aangehou om my die derde toneel te wys. Ek het dit aanhoudend opsy geskuif, menende dis my verbeelding en my aandag was nie by die vergadering nie. Uiteindelik het ek gesnap dat ek besig was om 'n baie beter blik op die wolke van die derde toneel te ontvang. Die Heilige Gees het my herinner aan wat Hy my in die visioen gewys het, maar dat ek nou 'n beter uitsig gegee word. Die wolke was baie dig en hoog uitgegroeï, soos die cumulus tipe wolke. Die son het helder en skerp op hierdie wolke geskyn. Dit was opsigtelik gemaak, elke keer wat Vader my dit gewys het. Ek het naderhand besef die son het weens die digte wolke nie helder op enige plek op aarde geskyn nie. Toe ek dit besef het, het ek opgehou om die toneel in die Gees na my toe te laat kom.

Ek het begryp “**die dag van wolke**” is dieselfde dae wat die Bybel van praat wanneer die son verduister. Om dit te besef het my gehelp om te verstaan waarom Vader jare gelede vir my gesê het: “*Die boek van Openbaring is eenvoudiger as wat jy dink.*”

Die dag van wolke:

Jes.13:10 *Want die sterre van die hemel en sy Orions sal hulle lig nie laat skyn nie; die son is duister by sy opgang, en die maan laat sy lig nie skyn nie. 11 En Ek sal aan die wêreld sy boosheid besoek, en aan die goddelose hulle ongeregtigheid; en Ek sal die trots van die vermeteles laat ophou en die hoogmoed van tiranne verneder.*

Joel 3:13-15 *Steek die sekel in, want die oes is ryp! Kom trap, want die parskuip is vol, die kuipe loop oor! Want hulle boosheid is groot. 14 Menigtes, menigtes in die dal van beslissing, want *naby is die dag van YHWH in die dal van beslissing!* 15 Die son en die maan word duister, en die sterre trek hulle glans in.*

? Wie gaan die waarheid verkondig sodat mense in staat kan wees om daardie dal van beslissing binne te gaan? Hierdie mense sal iets moet hoor wat hulle tot 'n besluit bring. Die dag van YHWH in hierdie skrifgedeelte is dieselfde dag van YHWH van Eseg.30.

Eseg. 30:1-9 *Verder het die woord van YHWH tot my gekom en gesê: **Mensekind, profeteer en sê: So spreek YHWH Elohim: Huil julle! Ag, die dag! Want naby is 'n dag, ja, naby is 'n dag van YHWH, 'n dag van wolke; die tyd van die nasies sal dit wees. Dis die dag wat Elohim Sy boodskappers in skepe uitstuur.*** (Dit beteken nie dat daar nie boodskappers op land ook sal wees nie.) Dit is 'n dag waarop Vader 'n groep mense sal hê wat sterker sal wees as enige ander groep wat ooit op aarde bestaan het. Hulle is Sy Bruid, Sy vleklose weermag, **beskermde, in-verbond mense**.

L.W. Joel 2:1 *Blaas die basuin op Sion, en blaas alarm op my heilige berg! Laat al die inwoners van die land bewe, want die dag van YHWH kom, want hy is naby — 2 'n dag van duisternis en donkerheid, **'n dag van wolke** en wolkenag; **soos die môreskemering, uitgesprei oor die berge, kom 'n talryke en magtige volk, wat van oudsher sy gelyke nie gehad het nie en dit hierna ook nie sal hê tot in die jare van die verste geslagte nie.** (Elohim se sterkste groep mense ooit op aarde.) 3 **Voor hom uit verteer 'n vuur... 7 ...hulle verander nie van pad nie.***

8 en tussen wapens deur val hulle; maar hulle bly in gelid. (K.J. ...and when they fall upon the sword, they shall not be wounded – beskermde mense) 10 Voor hulle bewe die aarde, sidder die hemel; die son en die maan word swart, en die sterre trek hulle glans in. 11 En YHWH verhef sy stem voor sy leërmag uit; want geweldig groot is sy leer, ja, magtig die uitvoerder van sy woord. Want die dag van YHWH is groot en uitermate vreeslik, en wie kan dit verdra?

Dinge soos Rusland, die versameling van YHWH se apostels om Sy opdragte uit te voer en die werklike bou van die skepe vir gebruik op die dag van YHWH (die dag van wolke) soos voorspel in Eseg. 30, gee ons 'n goeie idee as Christene om te besef ons sal in die eindtyd gebruik word. 'n Man, wat reeds die planne vir die bou van die skepe het, openbaar hoe naby die dag van wolke reeds is. Dit is maklik om te sien dat Elohim dinge nou bymekaar bring, dat die verhoog opgestel word vir Sy eindtyd stap. Ek moet doen wat Vader my beveel het en sê: **“Vestig jou oë op Bruidskap.”** Ek weet nou dit is omdat Vader Sy Verbondsbruid, wat nou Sy vrou geword het, sal beskerm. (Ek moet dit baie duidelik stel: 'n Gevlekte kerk is nie in verbond met YHWH nie!)

Elohim deel met die Wegrapping leringe van die Mens

‘n Bietjie agtergrond:

Oor die jare het het mense vir ons by *Take His Heart* gevra wat ons mening is oor die lering wat sommige mense die wegrapping noem. Ek het dan gewoonlik aan hulle gesê dat Elohim (Vader) met ons deel oor die vleklose bruid en dat ons nog niks van Hom oor die wegrapping ontvang het nie. Daarom wou ek nie 'n mening daaroor uitspreek nie. Maar die onderwerp van die wegrapping het sterker begin opduik, selfs van binne ons eie bediening. Mense het begin sê dat hulle moet weet wat om te antwoord wanneer hulle vrae gevra word oor die wegrappingslering.

Op 'n dag het ek weer inligting op die webwerf nagegaan wat Elohim tevore aan my gegee het en toe besef ek dat Hy al in 1988 vir my iets gegee het wat gaan oor *“om Yeshua in die lug te ontmoet.”* Ek kon daarna nie langer sê dat Vader nog nooit iets aan my openbaar het oor die wegrapping nie. Toe het ek geweet dat iets aan die kom was; dat Elohim heel moontlik nou hierdie saak sou behandel.


Later, as gevolg van druk van die gemeente, het ek besluit om te hoor wat die mense in die gemeente self glo oor die wegraping. Ek het deur middel van e-posse laat weet dat ons met die volgende byeenkoms oor die wegraping gaan praat en dat hulle al die inligting wat hul het moet saambring. Ek het ook aan hulle gesê dat Vader deur middel van die Heilige Gees vir hul hierdie saak sou oopmaak. Dit het toe ook gebeur: Vader het openbaar wat die wegraping behels, **maar dit was nie wat een van ons verwag het nie!**

Nadat ek die e-posse gestuur het, het Elohim dadelik met my daaroor begin handel in die nag. Ek het visioen op visioen begin ontvang en sommige het met myself te doen gehad, sommige met die situasie in my bediening, en sommige het gewys dat ek helderheid oor sekere sake moet bring. Ek was ook gewys dat ek sekere dinge waaroor reeds lering gebring was, sou moes herhaal.

25 Oktober 2003 - Die eerste visioen:

Ek het na twee tenkhouders gekyk wat effens in die lug, sy aan sy, met die snelweg langs beweeg het sonder 'n voertuig wat hulle gedra het. Hulle was sowat 2-3 meter hoog en omtrent dieselfde wydte. Hierdie tenks het vloeiende bevat en dit het my herinner aan die verseëelde houers wat gebruik word om groot onderdele oor die land te versend. Die tenks was gemaak van chat-deeltjies van hoofsaaklik goud, geel en rooi kleure ("chat" is 'n tipe fyn gruis wat oorgebly het na ertsproduksie en dit bevat giftige eienskappe). Die tenks was dus gemaak van 'n giftige stof...

*Terwyl ek die tenks bokant die snelweg sien beweeg het, was ek gewys dat die linkerkantste tenk radioaktief was en dat mense wat rondom dit beweeg het siek sou word en mettertyd sou sterf. Dit was die tenk self wat radioaktief was – nie sy inhoud nie. Dit was aan my geopenbaar dat **niemand weet wat in die tenks is nie, want hulle is verseël**. Albei tenks was identies, maar slegs die een aan die linkerkant was radioaktief, nie die een aan die regterkant nie. Ek was aangesê om die radioaktiewe tenk NIE-radioaktief te maak – sodat dit mense nie sou siek maak en hulle daarvan sterf nie.*



Ek het uit die visioen gekom, wetende dat die tenks met **eindtyd leerstellings** te doen het en dat die “radioaktiewe tenk” oor die bestaande **wegraping leringe van die mens** gehandel het – dus **toksiese leringe of opinies!**

Ek gaan meer tyd spandeer aan hierdie visioen, want ons moet al die simboliek rondom die “chat” van verskillende kleure, die verseëldes en die radioaktiewe bestraling begryp.

Toe die visioen verby was, het ek geweet dat die inligting (tenkinhoud) verseël was, dat **geen mens** weet wat daardie inligting is nie. Dit het **my ook ingesluit**. My probleem was egter dat ek aangesê was om die radioaktiewe tenk nie-radioaktief te maak. Maar hoe kon ek die bestraling laat verdwyn as ek nie geweet het wat dit veroorsaak nie?

Die tenks

Dit was in die visioen geopenbaar dat niemand weet wat binne-in die tenks is nie, behalwe dat dit **eindtyd inligting** in vloeistof vorm bevat (water van die Heilige Gees); dat die tenks verseël is. Geen mens weet of sal weet wat die eindtyd inhoud is, **voordat die seël gebreek is nie**. Die “chat”-tenks wat met die snelweg langs beweeg, openbaar dat daar “chat” buite in die wêreld aan die gang is. Hierdie “chat”-tenks, of die mens se “eie opinie” tenks, gaan oor eindtyd gebeure soos die sogenaamde ‘wegraping’, of oor om Yeshua in die lug te ontmoet, of die gebeure aangaande Rusland en/of Armageddon, ens. Dit is egter goed wanneer jy weet wat die “chat” verteenwoordig. Hierdie “chat” oor die wegrappingsaak skei ‘n radioaktiewe bestraling af en dit affekteer Christene en bring siekte en dood. Jare gelede in die vloeikaart van ons groep, het die Heilige Gees vir my die **simboliek van “chat”** geleer. Basies gaan dit oor **eie vertolkings van leringe uit die Bybel – sonder die insette van die Heilige Gees**, Hy wat “sake van die Gees” gee vir ware begrip.

Ek was betrokke by ‘n paar Bybelstudies waar ‘n **skrifgedeelte** bespreek was en elkeen hulle opinie gegee het oor wat dit vir hulle beteken. **Die Opinie bespreking is “chat” oor die skrifgedeelte**. My opinie en jou opinie sal nie gewig dra in die hemelse hof nie. **Alleenlik wat Elohim met daardie skrifgedeelte bedoel het sal waarde hê**.

iets baie ernstigs wat kerkleiers doen:

In die jare ná 1980 **het Elohim aan minstens 200 mans in die bediening** geopenbaar dat daar 'n probleem was met die kerke se begrip van die *Meganika van Redding* sowel as die *Meganika van Tiende hantering*. **Elohim wou hulle in iets nuuts inlei, iets waarvan hulle nie bewus was nie, net soos vir Petrus** (in Heilige Gees lering)! Die Heilige Gees wou hulle leer soos wat Hy vir Petrus geleer het. Ek weet van drie bekende predikers wat van hulle kansels af verklaar het dat Elohim gesê het dat daar iets verkeerd was met die lering oor die verkryging van die ewige lewe.

Die een prediker het gesê dat Elohim aan hom geopenbaar het dat daar mense in sy kerk was wat nie die ewige lewe by sy spesifieke altaar ontvang het nie.

'n Ander het verklaar dat Elohim met hom gesê het dat die tiendes verkeerd hanteer word. Hy het op sy eie begrip staat gemaak en verander aan die wyse waarop hulle tiendes hanteer het, maar hy het Elohim se begrip oor die saak heeltemal gemis.

Hierdie selfde man was gesien in 'n visioen, **waar hy vanuit 'n doodskis** met die mense in sy gehoor praat. Dit het heeltemal sin gemaak want die verkeerde hantering van tiendes laat die vyand in, soos in die boekie en video oor tiendes verduidelik. In 'n visioen wat ek ook ontvang het, het hierdie man **uit 'n doodskis** met mense in sy gehoor gepraat. Dit is heeltemal waar, want **die verkeerde manier van tiende hantering gee doodsgevaarlike plek aan die vyand in jou lewe.**

Om jou te help begryp hoe “chat” hierin betrokke is, deel ek die volgende visioen van Elohim met jou.

Ek was op 'n verhoog saam met Yeshua, maar ek was aan die sykant van die verhoog. Daar was 'n skilderesel naby Yeshua maar tussen ons twee, waarop 'n wit skryfbord gemonteer was.

*Voor Yeshua, en een vlak laer, het daar ongeveer 200 mans in pakke klere in opvoustoele gesit. Yeshua het aan hulle 'n Woord gegee en het stilgestaan met 'n witbord pen in sy hand, gereed om dit wat Hy gesê het aan hulle te verduidelik (wat dan die tweede “saak van die Gees” vir hulle sou wees.) **Maar pas nadat hulle die Woord van Yeshua ontvang het, het die mans na mekaar gedraai en begin gesels oor wat Yeshua vir hulle gesê het. DIS “CHAT”.*** Ek sien toe dat Yeshua geduldig vir hulle wag om weer na hom toe te draai sodat Hy die oorspronklike Woord kan verduidelik.

Tyd het egter verby gegaan en hulle het dit nie gedoen nie, maar het net voortgegaan om op hul eie begrip staat te maak deur te **“CHAT”**. **Yeshua het geruime tyd gewag** en toe sien ek dat Hy kwaad word. Hy loop toe verby die esel, reguit na my toe.

Ek het geretireer, want ek het gesien dat Hy kwaad was en het nie geweet wat Hy van plan was om te doen nie! Toe hy voor die esel verby beweeg, sien ek dat Hy skielik twee meganiese voorwerpe in Sy hande vashou. Dit was asof die twee voorwerpe uit die esel gekom het. Dit was wat Hy aan die mans wou verduidelik. Hy stap toe tot by my en stamp die twee voorwerpe teen my bors vas en sê: **“Jy is die enigste een wat wil luister!”** Die geweld waarmee Hy die voorwerpe teen my bors gestamp het, het my byna my balans laat verloor. Terwyl ek probeer het om my balans te herwin het ek die gewig van die twee meganiese voorwerpe in my arms vasgehou.

Die twee meganiese dinge wat Hy aan hulle wou verduidelik was die *Meganika van Korrekte Tiende Hantering* en die *Meganika van Redding* tot die ewige lewe. Maar die mans het dit misgeloop om deur Yeshua self geleer te word weens die gebrek aan kennis rondom die *Meganika van hoe die Heilige Gees leer en lei*. Hulle het nie na Yeshua geluister vir begrip nie. Hulle het gesteun op hulle eie interpretasie (**“CHAT”**) onder mekaar oor die Woord van Yeshua wat hulle ontvang het! Sodoende het hulle heeltemal gemis waaroor dit werklik gegaan het.

Aangesien ons eindtyd gebeure bespreek sal ek eindtyd gebeure as ‘n voorbeeld gebruik. Die Bybel is vol eindtyd gebeure en daar is mense wat hierdie gebeure bestudeer het om ‘n sekere orde te verkry. Ongelukkig leer hulle mense **sonder die insette van die Heilige Gees** se “Woord van Kennis of Wysheid”.

Die Bybel sê in **2 Tim 2:15** *Lê jou daarop toe om jou beproef voor Elohim te stel as ‘n werker wat hom nie hoef te skaam nie, wat die woord van die waarheid reg sny.*


Om hierdie rede moet ons sorg dat ons altyd die Woord lees en bestudeer met die Heilige Gees as ons leermeester.

Die punt hier is dat Elohim sê **ons gedagtes is nie Sy gedagtes nie**, daarom moet ons die Heilige Gees hê (wie ons leermeester is) om vir ons insig te gee. **Ons het geen insig vanaf die heilige gees tensy hy vir ons ‘n woord van wysheid of ‘n woord van kennis** op een of ander manier gee nie.

Wanneer die Heilige Gees aan ons gee, is dit iets wat ons met mense kan deel – iets waarna ons met ons vinger kan wys; soos ‘n droom, ‘n visioen, ‘n Woord, ens., nie iets vaags nie.

Dus wanneer dit gaan oor die eindtyd gebeure **kan niemand** die orde van gebeure bepaal of selfs verstaan sonder ‘n **“woord van die Heilige Gees”** deur iemand nie. Die rede is doodeenvoudig omdat ons gedagtes nie Elohim se gedagtes is nie. Daar bestaan baie mense wat die dinge oor die toekoms leer sonder dat die Heilige Gees hulle enigsins iets daarvan gewys het: **Eseg 13:3** So spreek Elohim: *Wee die dwase profete wat agter hulle eie gees (gedagtes) aan wandel en agter dinge wat hulle nie gesien het nie.*

In die visioen (nie op die prentjie aangetoon nie) was die “chat” gekleur met die dominerende kleure goud, rooi en geel. Die goud is goed en die rooi is goed, maar die geel verteenwoordig in hierdie geval **leuens, of misleiding**. Die kleure was alles eweredig gemeng, wat beteken dat die leuens regdeur die “chat” gemeng was met die goud en rooi wat Elohim se Waarheid verteenwoordig.




Toe Elohim vir my geleer het oor die betekenis van “chat” het Hy aan my ‘n graanhouer op ‘n fondasie van “chat” gewys. Dit was in ‘n vloedsone geleë en die graan in die houer sou geruineer wees as die vyand van die mens ‘n vloed sou veroorsaak.

(“chat” = Die vorming van idees tydens Bybelstudies, prediking vanaf kansels en enigiets waarmee die mens vorendag kom om die Woord van Elohim te verklaar – sonder die insette van die Heilige Gees.)

Is jy nie moeg vir mense se voorspelling dat iets groots op ‘n sekere datum gaan gebeur, net om die betrokke datum sonder gebeurlikheid te bereik – wat bewys dat hulle verkeerd was nie? Dit is omdat hulle nie die konsep het van hoe die Heilige Gees leer en lei nie – deur Geestelik met Geestelik te vergelyk.

Dit het alles te doen met die ernstige vlek aan die basis van die rugraat op die aardse liggaam van Yeshua. Dit is die wortel van die gebrek aan kennis (Elohim se gedagte) oor 'n saak.

In die werklike lewe was hierdie graanhouer uiteindelik op 'n fondasie van beton geplaas wat dit uit die vloedwaters gelig het.



Die prentjie: “chat” gee plek aan die vyand, maar iets wat op 'n soliede beton (stewige) fondasie gebou is, laat die duiwel nie in wanneer hy sy vloede teen die mensdom stuur nie. Daardie soliede fondasie is iets wat Yeshua deur middel van die Heilige Gees gebou het, en dit openbaar inligting of Elohim se eie gedagte oor enige saak. Die twee tenks wat in die eerste toneel uit “chat” gebou was, openbaar twee “**dink tenks**”, wat beteken dat daar baie studie en dinkwerk betrokke is by die eindtyd leringe van sommige mense. Hierdie menslike idees is welbekend in die wêreld (boeke, televisie ens.) wat gesimboliseer word deur die “chat tenks” wat al met die snelweg langs beweeg.

Dus het ons nou 'n prentjie wat aantoon dat die “dink tenks” wat vervaardig is uit 'n mengsel van waarheid *en* leuens, aan die beweeg is (verkondig word) – terwyl die suiwer waarheid oor die eindtyd **binne-in** die tenks verseël is, totdat die Heilige Gees daardie waarhede openbaar, of tot die mens self daardeur gaan.

Die verkeerde fokus is giftig!

Waarom is die bestraling van die wegrapingslering-tenk so gevaarlik dat dit mense siek maak terwyl die leerstellings van die ander tenk mense nie siek maak nie, selfs al het albei tenks leuens in hulle leerstellings?

Want die kerk se “Wees wegraping gereed!” - lering veroorsaak dat dit die mens se fokus op die mens plaas (goed of sleg) om een of ander tyd van hierdie aarde af pad te gee.

Jy mag dalk sê, maar wat is verkeerd daarmee? Dan is die volgende visioen vir jou bedoel...

Ek is so dankbaar teenoor Vader vir hierdie visioen! Dit gee spesifieke insig – oor wat Hy sê aangaande die “dood” rondom die wegrapingslering.

Hierdie visioen was gegee om te versterk wat die eerste visioen openbaar het. Dit is daarop gerig om begrip te bring oor die betekenis van die eerste visioenboodskap van die “chat tenks”.

Die visioen van 9 November 2003:

Die toneel het bestaan uit deeltjies wat dit direk met die toneel van die twee tenks op die snelweg verbind het. Ek het na 'n man in 'n pak klere gekyk wat in die lug op sy rug gelê het. Daar was 'n muur van deeltjies aan my regterkant by sy voete en sy voete was besig om daarin te verdwyn asof hy in dié muur ingedruk word. Dit was soos om 'n lyk in die muur van laaie by 'n lykshuis in te stoot soos ons al dikwels op televisie gesien het. Ek het aanhou kyk terwyl hy besig was om te verdwyn, sy voete eerste en toe verder boontoe tot by sy knieë. Wat die einaardigste was, was dat hy nie gelyk het asof hy so naby aan die muur was nie, maar dit het in elk geval gebeur. Dit was asof hy verdwyn het voordat hy veronderstel was om in die 'muur' te verdwyn. Aan my was gesê: “Sommige dinge maak nie saak nie”.

Yeshua het geweet dat ek dadelik sou snap wat hierdie visioen beteken. Jare gelede het ek 'n pastoor hoor praat van al die bedienings in die begraafplaas, *wat nooit gemanifesteer het terwyl die persone geleef het nie*. Sommige mense was nie daarvan bewus dat hulle 'n roeping gehad het nie en sommige het heel moontlik geweet, maar het nooit by daardie roeping uitgekom nie. (Ons praat van Elohim-gegewe roepings.)

In bogenoemde visioen was 'n man met 'n roeping, maar hy het verdwyn voor dit sy tyd was. As jy hierdie nou in verband bring met die wegraping leringe van bestraling wat uiteindelik mense doodmaak, is dit nie moeilik om te sien dat wegraping leringe (“chat”) veroorsaak dat mense hulle roepings (bedienings) mis nie. Dit is omdat hulle net daarop gefokus is om van die aarde af weg te kom oor wat mag gebeur; hulle is nie besig om voor te berei vir hulle Elohim-gegewe taak (roeping) wat hulle het nie!

Teen die einde van die visioen, was aan my gesê: “Sommige dinge maak nie saak nie!” Omdat hierdie toneel direk verbind is aan die radioaktiewe uitstraling van die “chat” tenks moet ons ook vertel wat Elohim daarvoor gesê het.

Elohim bedoel nie dat dit nie saak maak dat daar voortydige sterftes van bedienings is nie, maar Hy verwys na die feit dat dit nie saak maak of ons 'n 'wegrapping' of 'dinge oor die eindtyd' begryp nie. Wat daarvan as almal begrip daarvoor gehad het, en of dit gaan gebeur? DIT MAAK NIE SAAK NIE! Watter verskil maak dit? Ons moet gereed maak vir Bruidskap en die Bruilof van die Lam! Daar is mense, predikers, wat sê: “My tassies is al gepak!” Mense hoop maar hulle maak dit met die ‘wegrapping’ sodat hulle hier kan padgee. Hierdie mense fokus op die verkeerde dinge en mors tyd wat nooit weer herwin kan word nie!

Dit bring ons by die volgende toneel wat direk na hierdie laaste visioen gegee is:

Tweede visioen 9 November 2003

Ek het na 'n horlosie aan die muur gekyk, die tipe wat uit 'n houtraam met 'n glaskas bestaan, met die meganiese deeltjies en die wysterplaat agter die glas. Daar was 'n skarnier aan die regter onderpunt voor aan die glaskas. Aan hierdie skarnier was 'n swaar vleisbyl met 'n hout handvatsel en 'n effens geronde snykant vasgemaak. Dit het op en af beweeg, asof dit tyd gehou het en nooit 'n slag gemis het nie. Ek het bestanddele van tyd uit die horlosie sien kom en die byl het dit afgekap nes dit uitgekom het. Die afgekapte tyd het op die vloer beland en dan verdwyn. Die punt wat hierdie visioen maak is dat elke oomblik van tyd wat verlore geraak het, vir ewig weg is.



(Ek het wakker geskrik met woorde van 'n liedjie wat vir ons bediening gegee was: “U wil en nie my wil nie.”)

Sover het ons nou 'n prentjie, gegee deur die Heilige Gees, van die feit dat ons Elohim se wil vir ons lewens moet leer ken, en dat al hierdie gefokus op wegrapping, net 'n vermorsing van kosbare tyd is. Ons kan tyd nooit weer terugkry nie soos in hierdie laaste visioen aangedui! Soos wat dit verbygaan is dit vir ewig weg en ek word ook herinner aan toe Vader my gevra het: “Wat van die persoon, wie nie gekonfronteer was om te bely nie, wie tydens Jona se ongehoorsaamheid gesterf het?” Dit sê iets, nie waar nie?

'n Ander faktor wat tot tydvermorsing bydra is mense wat dink dat hulle die roeping het om die Bybel te bestudeer en om dan vir mense te vertel wat aan die kom is. Daar is soms goeie dinge wat hieruit voortkom, maar nie die goeie dinge wat moes voortgekom het deur die regte perspektief oor Yeshua se Koninkryk en die funksies van verskillende gawes nie. Om daardie gawes in mense te ontdek en hulle te leer om daarin te funksioneer in hulle Elohimgegewe plek, bring vrede en vertroue. Die saak staan so: **Yeshua** het gesê dat die **Heilige Gees ons sou leer van die dinge wat gaan kom**. Begrip oor hoe dit volbring moet word, bring vrede, selfs te midde van onrus en selfs oorlog.

Op hierdie punt wil ek hê dat jy moet weet dat ek 'n stryd gehad het om hierdie visioene neer te skryf. Dit was hoofsaaklik so omdat ek nie nog 'n nuwe lering oor die wegraping wou begin nie, wat onmoontlik blyk te wees om nie te doen nie. Dit het my daarvan weerhou om te skryf, maar uiteindelik het ek begryp dat al wat ek kon doen was om gehoorsaam te wees en neer te skryf oor die "sake van die Gees" wat spesifiek vir my gegee was om te skryf oor hierdie saak. Dit bring ons by die visioen wat Elohim (Vader) my gegee het oor wat ek moes skryf in hierdie artikel.

Onthou, die Heilige Gees wys ons aangaande die dinge wat op pad is!

Die volgende visioen wat ek ontvang het, gaan oor *Die Dag van Wolke*, Yeshua se dag. Hierdie nuwe visioen, spesifiek vir hierdie artikel gegee, is 'n besliste wekroep vir ons almal. Hier volg 'n gedeelte van die visioen:

10 November, 2003

Ek was in 'n vloed area saam met ander mense en hulle voertuie. Al ons motors en bakkies was in bewegende vloedwaters, maar daar was 'n dieper area tussen twee voertuie waar die water vinniger gevloei het.



Ek het opgekyk en begin toe die mense te waarsku oor wat aan die kom is, maar hulle kon nie, of wou nie sien wat ek helder waargeneem het nie. Oos van ons en hoog in die lug, was daar 'n paar donker wolke, asof hulle daar agtergebly het na die donderstorms, wat heel moontlik die vloedwaters wat rondom ons was, veroorsaak het. Hierdie wolke was blykbaar die enigste wolke wat die mense kon sien of wou sien.

*Ek sê toe vir hulle om verby hulle te kyk maar nie een van hulle het dit gedoen nie. Aan die oostelike deel van hierdie wolke was 'n klein helder oop area in die lug en dan volg 'n reusagtige muur van wolke wat hoër was as wat ek nog ooit gesien het en daardie muur het tot feitlik teen die grond gereik. (Ek was 'n vliegtuigloods op 'n stadion en ek wil net noem dat daardie muur vanaf ten minste 3,000 meter hoog tot ongeveer 300 meter van die grond af was) Die wolke het 'n goue skakering gehad en ek het blitse en donderweer van die bokant tot die onderkant gehoor en gesien blits. Die wolke was intimiderend massief en hulle het my uitsig versper so ver as wat ek gekyk het, noord na suid. Hulle het die aarde bedek en vanaf die ooste gekom. Hulle het vinnig in ons rigting beweeg en ek sê toe hardop vir die mense **KYK!** (Hierdie muur van soliede wolke was nie op die horison nie, maar slegs omtrent 8 km weg, as dit so ver was.) Ek het gesien dat die mense hulle nie aan my steur nie en ek sê toe vir hulle: "Ek gaan hoër grond soek." Ek hardloop toe na my bakkie toe....en die visioen eindig waar ek die area verlaat waar die voertuie geparkeer was.*

Hierdie was beslis 'n wekroep vir my en ek hoop ook vir elkeen wat hier lees. Die hoof (skokkende) ding wat ek persoonlik hieruit besef het, is dat die Dag van Wolke – Yeshua se Dag veel nader is as wat ek gedink het! Ek het in die verlede dinge op die horison gesien en dit het jare geneem voor dit gebeur het, sommige het nog steeds nie gebeur nie. Hierdie muur van wolke was slegs sowat 80 tot 100km weg, simbolies dus baie naby. Yeshua het ook in hierdie visioen openbaar dat mense vir ons wat hierdie waarheid verkondig, nie ernstig opneem nie. Dat hulle totaal onbewus is van hoe naby Yeshua se Dag, die Dag van Wolke regtig is. Baie mense is selfs onbewus van die "Dag van Wolke" tydperk. Die goue skakering donderweer en blitse in die wolke het te doen met die suiwering en loutering (veredeling) van die mens en die belangrikste die Glorie van die verskyning van Yeshua in hierdie wolke.

Die visioen stuur 'n helder boodskap deur. **Háb 2:2-3 NKJ** *Toe antwoord YHWH my en sê: Skryf die gesig op en graveer dit op tafels, sodat hulle mag hardloop wat dit lees.*

Want die gesig is vir 'n vasgestelde tyd; maar aan die einde sal dit spreek, dit sal nie lieg nie. As dit mag vertoef, wag daarop; want alte seker sal dit kom en nie versuim nie:

Hierdie wolke wat in die visioen na ons toe beweeg het, sal nie versuim nie. Dus sien ons dat die suiwing van die mens en die verskyning van Yeshua in die wolke nie meer ver in die toekoms is nie. Inteendeel, dit is baie naby! M.a.w. die *Dag van Wolke* is nie meer vêr in die toekoms nie. Daar is slegs een venster van tyd vir die *Dag van Wolke* in die geskiedenis van die mens vir die dag van Yeshua. Nou kom ons by die Woord wat Elohim deur my in 1988 gegee het:

Ek het die aarde in sy wentelbaan sien brand en toe kom die volgende Woord van Elohim af:

"En so sal My Woord wat uit My mond gekom het nie ledig terugkeer nie. Want Ek is die Skepper van alle dinge, die Eerste en die Laaste, die EK IS, die Begin en die Einde. Julle is 'n uitverkore geslag. Ek sê aan julle, dat Ek 'n gemeente sonder vlek of rimpel sal hê. Dieselfde krag wat My Seun opgewek het, sal daardie gemeente opwek. Ek sê vir julle, kies lewe, nie dood nie, en hulle wat hulle lewens aan My afstaan, sal in daardie gemeente wees, want ek sal daardie krag in hulle vrylaat. Want ek is Elohim, en julle sal soos My Seun wees wanneer julle Hom in die lug ontmoet. Ek sê weer: **KIES LEWE!** Die aarde is voortbestem en net so is My gemeente. Want **EK IS HY... WIE IS...WIE IS...WIE IS...**"

"...en julle sal soos My Seun wees wanneer julle Hom in die lug ontmoet" gee meer insig. Eintlik gee die hele Woord wat in 1988 gegee was meer insig in hierdie KJ skrifgedeelte:

1 Thes 4:17 *Then we which are alive and remain shall be caught up together with them **in the clouds**, to meet the Lord in the air and so shall we ever be with the Lord.*

Die Woord in 1988 is 'n "saak van die Gees" om te belig en vir ons begrip van bogenoemde skrifgedeelte te gee, wat openbaar dat die "ontmoeting in die lug" gedurende die *dag van wolke* gaan plaasvind.

Hier is dit weer saam met 'n paar gedagtes.

"En so sal My Woord wat uit My mond gekom het nie ledig terugkeer nie. (Elohim het die plan, nie die mens nie.) Want Ek is die Skepper van alle dinge, die Eerste en die Laaste, die EK IS, die Begin en die Einde."

"Julle is 'n uitverkore geslag." (Ons het nie onself gekies nie. Elohim het. Jy mag dalk nie daarvan hou nie, maar iets gaan van jou verwag word wat nie van die geslagte voor jou verwag was nie!) "Ek sê aan julle, dat Ek 'n gemeente sonder vlek of rimpel sal hê." (Ons moet ons lewens verander om van die vlekke ontslae te raak. Dit word van ons verwag!) "Dieselfde krag wat My Seun opgewek het, sal daardie gemeente opwek. Ek sê vir julle, kies lewe, nie dood nie." (Hierdie woorde het Hy reeds voorheen in Sy Woord gebruik en om hier 'n draadsitter te wees, sal nie werk nie. Om 'n besluit te neem om te verander en van die **vlekke ontslae te raak**, is 'n keuse wat jy maak.) "En hulle wat hulle lewens aan My afstaan, sal deel van daardie gemeente wees." ('n Voorvereiste om in daardie gemeente te wees is om jou hele lewe aan Elohim oor te gee. Dit is nie op die manier wat dit in die verlede in die kerke gedoen is nie. "Want ek sal my krag in hulle vrylaat." Dit herinner sterk aan wat die Woord sê oor wat op die *Dag van Wolke* gaan plaasvind: "Want ek is Elohim, en julle sal soos My Seun wees wanneer julle Hom in die lug ontmoet."

(**Let wel:** Yeshua praat alleenlik met hulle wie Hom in die lug gaan ontmoet! Wat beteken dit om soos Yeshua te wees? Yeshua was gehoorsaam aan Vader en het Sy hele lewe vir Hom gegee. Dit beteken om volkome gehoorsaam aan Elohim te wees en my hele lewe aan Hom oor te gee. Dit val saam met Yeshua se Woord dat ons, ons lewens aan Hom moet oorgee om in die vleklose kerk te kan wees.) "Ek sê weer: **KIES LEWE! Die aarde is voortbestem vir wat kom en net so is My Kerk.** (Baie belangrik om te herhaal. Dit gaan beslis gebeur – is ons bereid om te leer?) **Want Ek IS HY... WIE IS...WIE IS...WIE IS...**" (Ek het "**WIE IS...**" oor en oor gehoor en elke keer het die klank sagter geraak, asof hierdie woorde in die heelal verdwyn het. Dit bevestig dat YHWH nimmereindigend is, wat presies is wat Hy aan die begin van hierdie Woord in 1988 gesê het.)

Ons kan dus die Woord wat ek in 1988 ontvang het, sowel as **1 Thes 4:17** bymekaar voeg, want albei verwys na die **ontmoeting** met Yeshua tydens die *Dag van Wolke*.

Sodoende sien ons duidelik dat dit die vleklose gemeente en nie die gevlekte een is nie, wat Yeshua gaan ontmoet. Dit is ook die dag waarop die vleklose gemeente gaan krag ontvang soos wat nog nooit voorheen op hierdie aarde aanskou was nie. Krag om die werke van Yeshua hier op die aarde te doen!

Toe Yeshua vir die eerste keer met my begin praat het aangaande die Vleklose Bruid, het Hy aan my gesê: **“Jy mag dit dalk nie maak nie!”** My reaksie was: “U bedoel daar is iets wat ek nog moet doen?” Dit was vir my ‘n geweldige skok, want ek het geredeneer dat elkeen wat die ewige lewe het outomaties deel van die vleklose gemeente sal wees wanneer die tyd aanbreek. ***Dit is egter nie waar nie; ons moet onself eers van die drie hoof vlekke reinig en gereinig hou soos deur die Heilige Gees geopenbaar.*** Dit gaan *werk en opoffering* deur ons verg. Elohim sê in hierdie Woord dat die keuse ons s’n is.

Dus moet die liggaam van Yeshua hom voorberei vir die **Bruilof van die Lam** en sy Elohimgegewe **werk** gedurende die *Dag van Wolke*. Het die gemeente van Yeshua ‘n werk gedurende die *Dag van Wolke*? Baie beslis!

Joël 2:1-11 *Blaas die basuin op Sion, en blaas alarm op my heilige berg! Laat al die inwoners van die land bewee, want **die dag van YHWH** kom, want hy is naby **2 ‘n dag van duisternis en donkerheid, ‘n dag van wolke** en wolkenag; soos die môreskemering, uitgesprei oor die berge, **kom ‘n talryke en magtige volk**, wat van oudsher sy gelyke nie gehad het nie en dit hierna ook nie sal hê tot in die jare van die verste geslagte nie. 3 Voor hom uit verteer ‘n vuur, en agter hom brand ‘n vlam; voor hom lyk die land soos die tuin van Eden, en agter hom is dit ‘n woeste wildernis; ook kan niks daaraan ontkom nie. 4 Sy voorkoms is soos dié van perde, en net soos ryperde so hardloop hulle. 5 Soos die gedruis van waens huppel hulle oor die bergtoppe, soos die geknetter van ‘n vuurvlam wat die kaf verteer, soos ‘n magtige volk wat vir die geveg opgestel is. 6 Vir hom bewee die volke van angs, alle aangesigte verbleek. 7 Soos helde hardloop hulle, soos krygsmanne klim hulle op die muur, en elkeen gaan sy eie koers; hulle verander nie van pad nie.*

8 En die een druk nie die ander nie; elkeen gaan sy eie pad; en tussen wapens deur val hulle; maar hulle bly in gelid. 9 Hulle oorval die stad, hulle hardloop op die muur, hulle klim in die huise, hulle dring by die vensters in soos 'n dief. 10 Voor hulle bewee die aarde, sidder die hemel; die son en die maan word swart, en die sterre trek hulle glans in. 11 En YHWH verhef Sy stem voor sy leërmag uit; want geweldig groot is Sy leër, ja, magtig die uitvoerder van Sy woord. Want die dag van YHWH is groot en uitermate vreeslik, en wie kan dit verdra?

'n Man het op 'n dag vir my gesê dat ek gaan agterbly as gevolg van my roeping tydens die wegraping, maar hy gaan hierdie aarde verlaat. Ek glo dit glad nie, want Elohim sê in Sy Woord dat elke deeltjie van die liggaam belangrik is.

Die Bybel spandeer baie tyd om te verduidelik dat elke lid iets bring en Elohim het probeer om die kerk te kry om korrek te funksioneer sedert die kruis.

Maak dit dus enige sin, dat ons as 'n liggaam ontslae raak van ons vlekke maar dan sny Elohim Sy vrou in twee deur al die ander weg te raap, maar die profete en apostels bly agter om hulle bedienings te vervul? In die Woord sê Elohim vir die hoer, "laat ons saam redeneer!" Hierdie verdeling klink beslis nie vir my redelik nie.

Die volgende Skrifgedeeltes tree in werking gedurende

Die Dag van die Wolke – Elohim se Dag:

Jes 13:10-22 *Want die sterre van die hemel en sy Orions sal hulle lig nie laat skyn nie; die son is duister by sy opgang, en die maan laat sy lig nie skyn nie. En Ek sal aan die wêreld sy boosheid besoek, en aan die goddelose hulle ongeregtigheid; en Ek sal die trots van die vermeteles laat ophou en die hoogmoed van tiranne verneder. En Ek sal sterwelingse skaarser maak as fyn goud, en mense as goud van Ofir. Daarom sal Ek die hemel laat sidder, en die aarde sal wyk uit sy plek met gebeef, vanweë die grimmigheid van YHWH van die leërskaare en vanweë die dag van sy toorn gloed. En soos 'n gemsbok wat gejaag word, en soos kleinvee wat niemand bymekaar maak nie, sal hulle elkeen draai na sy volk toe en elkeen vlug na sy land toe.*

*Elkeen wat gevind word, word deurboor; en elkeen wat gegryp word, val deur die swaard. En hulle kinders word voor hul oë verpletter, hul huise geplunder en hul vroue onteer. Kyk, **EK VERWEK die Meders teen hulle**, wat silwer nie ag nie en in goud geen behae het nie. Maar hulle boë sal die seuns neerwerp, en hulle sal hul nie ontferm oor die vrug van die moederskoot nie; hulle oog sal die kinders nie verskoon nie. So sal dan Babel, die sieraad van die koninkryke, die trotse pronkstuk van die Chaldeërs, wees soos toe Elohim Sodom en Gomorra omgekeer het. Mense sal daar in ewigheid nie woon nie, en dit sal van geslag tot geslag nie bewoon word nie; en die Arabier sal daar geen tent opslaan nie, en geen herders sal hulle vee daar laat lê en rus nie. Maar daar sal boskate lê, en hulle huise sal vol uile wees; en volstruise sal daar hou, en veldduiwels daar rondspring. En wildehonde sal huil in sy kastele en jakkalse in die vreugdepaleise; en naby is sy tyd om te kom, en sy dae sal nie verskuif word nie.*

Joël 3:13-16 Steek die sekel in, want die oes is ryp! Kom trap, want die parskuip is vol, die kuipe loop oor! Want hulle boosheid is groot. Menigtes, menigtes in die dal van beslissing, want naby is die dag van YHWH in die dal van beslissing! Die son en die maan word duister, en die sterre trek hulle glans in. En YHWH brul uit Sion, (die plek waar Elohim se wetlike rekords gehou word) en uit Jerusalem (die bruid) verhef Hy sy stem, sodat hemel en aarde bewe. Maar YHWH sal 'n toevlug wees vir Sy volk en 'n skuilplek vir die kinders van Israel. (alleenlik hulle wat onder Sy beskerming is – wat in Sy laer ingekom het!)

Wie gaan die waarheid na vore bring (**steek die sekel in**) sodat mense gebring kan word na daardie vallei van beslissing? Mense moet iets hoor wat hulle tot daardie besluit kan bring. Hulle gaan dit hoor vanuit die gereinigde Bruid van Yeshua of 'n kerk in die proses van reiniging! Dit kom vir my voor asof die skrifgedeelte op die vorige bladsy openbaar dat beslissingstyd voor die *Dag van Wolke* gaan wees.

Wat gaan veroorsaak dat die wolke vorm? Niemand weet nie en dit is ook nie werklik belangrik om te weet nie. Ons kan spekulêr soveel ons wil maar dit is verseël. Dit bring ons terug na al die spekulasies van die mens wat siekte en dood oor bedienings bring wat Elohim na vore wil laat kom vir Sy doelwitte.

Hierdie is alles aangeleerde dinge wat tyd neem om te leer en die dinge wat Elohim wil hê ons moet ervaar, as voorbereiding vir wat kom.

Sonder 'n woord van wysheid of 'n woord van kennis van die Heilige Gees af, het jy nie die begrip of die waarheid oor enige onderwerp nie. Die visioen sê niemand weet nie, dus totdat die seël gebreek is, volgens Vader se wil, moet ons as gelowiges hierdie dinge met rus laat en ons bepaal by die besigheid van om *vlekloos voor Elohim Almagtig te raak*.

Elohim het 'n **WERK** vir Sy volk om hier op die aarde te doen. Vir elke individu. Mense wat dus op 'n wegraping gefokus bly, kan nie gefokus wees op wat Elohim vir hulle beplan het vir Sy doelwit nie. Elohim het aan my gesê om aan mense te sê **om op Bruidskap te fokus**; die eerste stap is om te fokus om van die **drie vlekke** wat alreeds deur die Heilige Gees openbaar is, ontslae te raak.

Dit moet gebeur voordat enigeen kan voortgaan na die volgende stap tot Bruidskap. Niemand kan waarlik gefokus wees op twee dinge tegelyk nie, menende 'n Weggraping en Bruidskap!

Dit kom my voor asof die kerk uit hierdie wêreld wil padgee. My vraag is WAAROM? Die kerk se werk/roeping is hier op die aarde, nie in die hemel nie. Die kerk as 'n funksionele liggaam bestaan nie in die hemel nie, want daar is geen rede of doelwit daarvoor nie. Jy trou nie met Yeshua in die hemel nie, want **Yeshua het openbaar dat daar geen huwelik in die hemel plaasvind nie.** Die huwelik vind plaas hier op die aarde en dit is net logies dat dit ten volle sal manifesteer gedurende die *Dag van Wolke* – YHWH se dag!

Ek het hierdie artikel tot hier geskryf en toe vir Yeshua gevra om my te help om dit te voltooi, aangesien ek geglo het dat dit tyd was om dit te doen want die groep hier het die woord '*voltooid*' aan ons gegee.

Ek wou gehad het Hy moes my salf om dit te voltooi, maar dit het voorgekom asof Hy aan my 'n voltooiings visioen sou gee. Ek stel voor dat jy dit lees soos wat dit aangeteken was in my vloekaart.

‘n Visioen op 23 Desember 2003 deur Yeshua aan my gegee. Ek het na ‘n vriend van my gekyk wie voor Sy tyd weggeneem was. Hy was besig om hierdie visioene oor die wegraping, sowel as ander wat ek gehad het, onder ‘n mat in te vee terwyl ek toekyk. Toe verander die toneel en ek sit in ‘n kerkgebou. Daar was al die nodige meublement. Ek stap toe na ‘n area in die gebou waar lede van die kerkorkes met hulle instrumente bymekaar gekom het. Dit het gelyk asof ‘n soort kompetisie sou plaasvind.

Terwyl ek stap, kyk ek na die voorkant van die kerk, waar die prediker gewoonlik staan en in plaas van ‘n kansel was daar ‘n trapleuning of ‘n verdeler soos in ‘n hofsaal. Ek kyk toe na die verhoog en sien dat daar ‘n plek was soos waar ‘n regter sou sit. Dit was ‘n plek van die reg, ‘n plek waar oordele plaasgevind het. Die mense met die musiekinstrumente was besig om te oefen en op te warm. Ek het my trompet in my hand gehad, maar ek het in jare nie ‘n noot gespeel nie. Al lopende, plaas ek die trompet voor my mond en begin om note te blaas, met die doel om self bietjie op te warm. Ek was nou naby aan hulle wat hier en daar vergader het en op hulle instrumente gespeel het. Hulle sien my en hou niks van die klank toe ek begin speel nie. Dit was ‘n onseker klank en ek het dit geweet, maar daar was niks anders om te doen nie as om maar net voort te gaan en te speel nie. Ek het dit stilweg probeer doen en het gekyk na twee goedgeklede dames wat op saxofone speel. Hulle het ‘n lied gespeel wat hulle albei geken het en dit was strelend op die oor. Hulle het na my gekyk en geluister terwyl ek speel en ek het sonder sukses probeer om ook soos hulle te speel. Ek kon dit nie doen nie want die kleppe op die horing was taai omrede dit so lanklaas gespeel was. Die dames het sigbaar ontsteld geraak met my terwyl hulle, hul strelende musiek speel en my aanhoor. Ek skuif die trompet toe na die linkerkant van my mond (wat die **fisiесе** verteenwoordig) en tot my verbasing begin ek ‘n vaster noot speel. Ek speel toe ook net die een noot! Die dames wou dat ek regtig nou padgee, maar hulle wis dat hulle ‘n trompet in hulle orkes nodig het en ek was die enigste trompetspeler daar rond. Die klank wat ek gemaak het, het al hoe sterker en sterker geraak maar dit was nie ‘n aangename klank nie. Dit was ook ‘n klank wat niemand nog voorheen gehoor het nie. Ek het aangehou om dit oor en oor te speel. Terwyl ek speel, besef ek dat ek aan hulle ‘n lied moet leer wat ek vroeg in my lewe geleer het.

In ons orkes het ons gemasjeer op hierdie lied en selfs 'n spesiale manier van loop gehad terwyl ons dit gespeel het. Terwyl ek uit die visioen beweeg het, was ek herinner aan die lied, "Come and join the Marching Band" wat deur Yeshua aan ons groep gegee was 'n hele paar jaar gelede. Ek besef toe dat die musiek wat so pragtig gespeel is deur die twee saxofoon spelers nooit sal slaag in die oordeel van die Koninkryk van YHWH nie.

Die twee saxofoon spelers se strelende klanke het te doen met die twee tenks aangaande eindtyd leringe soos reeds verduidelik aan die begin van hierdie boekie. Dit het te doen met streling van "alles is reg, niks is verkeerd nie". Basies is dit strelend met 'n "Elohim is liefde" ondertoon wat mense laat dink dat hulle nie hier op aarde gaan wees tydens eindtyd gebeure nie. In hierdie toneel het ek my trompet vir jare nie gespeel nie. (Dit herinner ook baie aan die volgende skrifgedeelte: 2 Tim 4:3 *want daar sal 'n tyd wees wanneer hulle die gesonde leer nie sal verdra nie, maar, omdat hulle in hul gehoor gestreel wil wees, vir hulle 'n menigte leraars sal versamel volgens hulle eie begeerlikhede, 4 en die oor sal afkeer van die waarheid en hulle sal wend tot fabels.*

Die laaste keer wat ek my trompet gespeel het was toe ek die Woord van Elohim – 'Onbekende Waters' aangeteken het op 25 Januarie 2000. Dit pas nogal, nie waar nie? Die trompet wat ek speel is die afset van 'n alarm oor iets verkeerd is en oor iets gaan gebeur. Albei is waar in hierdie geval.

Jare gelede het Elohim ook vir my 'n skaal gewys met die woord LIEFDE op die een kant en die woord OORDEEL op die ander. **Albei was ewe swaar.** Die kerke het egter "Elohim is liefde", totaal buite verhouding met "Elohim is 'n Elohim van oordeel" aan gemeentes geleer terwyl albei ewe belangrik is. **Elohim is 'n Elohim van OORDEEL, net soveel as wat Hy 'n Elohim van LIEFDE is!** Ek het met my trompet alarm gemaak in die laaste visioen. Die klank was eers onseker aan die begin om hierdie artikel te skryf, maar Elohim het vir my meer en meer visioene gewys sodat my note al hoe vaster geraak het omdat die prentjie wat Elohim wou hê ons moes snap, meer belig geraak het en ek uiteindelik hierdie artikel kon voltooi. Hierdie klank – lering – is werklik nie vir ons aangenaam om te gee nie, maar Elohim het aan my openbaar dat ek selfs kon sê: **"So sê YHWH"**, maar waarom sou ek? Die tonele spreek basies vir hulself.

Daar is 'n wonderlike ding oor die klank wat Elohim wil hê ek moet weergee. Dit word gesê iets is verkeerd, maar Vader het die inligting openbaar oor hoe om reg te stel wat verkeerd is. Die Heilige Gees het openbaar dat dit redelik radikaal is om te begin om van die vlekke op die liggaam van Yeshua ontslae te raak. Jy sal stappe neem wat radikale stappe in die musiek van die Heilige Gees is wanneer jy waarlik begin om Yeshua te volg buite die gestruktureerde kerk.

Die tyd vir jou om uit te kom **is nou**, ter voorbereiding van die *Dag van Wolke*. **Dit neem tyd** om voor te berei en te leer. Ek trompetter hierdie volgende woorde:

Die gevlekte kerk sal nie vir Yeshua in die lug ontmoet gedurende die *Dag van Wolke* nie, maar die “vleklose een” sal beslis.

Let wel: Daar staan “ontmoet”. Tydens die Hebreeuse bruilof in die Bybel was die bruidegom tegemoet gegaan. Dink aan die vyf wyse maagde **Mat 25:6** En middernag was daar 'n geroep: Daar kom die bruidegom; gaan uit hom tegemeet!

Hoeveel mense gaan wat hier aangebied is onder die mat insee, net soos die man in die vorige visioen? **Moenie dwaal nie; Elohim laat Hom nie bespot nie!** Die Gees en die vleklose Bruid sê: **“Kom!”**

IS ‘BESOEDELDE’ GELD AANVAARBAAR VIR ELOHIM?

Onlangs was dit in die nuus (VSA) dat die Heilsleer nie meer gelde sal ontvang nie oor die wyse waarop dit verkry was. Ek het dieselfde mening gehuldig. Maar deurgaans het Elohim my onderrig en met my gepraat oor geld; die korrekte manier van tiendes gee en om eenvoudig te let op wat werklik in die Bybel gedoen is. Nou het ek 'n wonderlike nuwe benadering tot geld van enige oorsprong. Ek het hierdie begrip verkry toe Vader my geleer het om 'n diaken te wees. Frons jy hieroor? Dan is my vraag aan jou:



Hoe kan die volgende Skrif ooit vervul word indien ons as Christene nie sogenaamde 'besoedelde' geld, of geld wat op 'duistere wyse', verdien was wil hanteer nie?

Spr. 13:22b ...*maar die vermoë van die sondaar word vir die regverdige weggebêre.*

Ter wille van duidelikheid: Kom ons sê ons as Christene behoort nie geld te ontvang of te hanteer wat afkomstig is van dobbel nie, m.a.w. geld wat afkomstig is van 'n bose bron en wat dus in 'n sekere sin 'besoedel' is. Ons het die indruk dat ons deur die ontvangs of hantering van dobbelgeld goedkeuring skenk aan die metode of bron waarvandaan dit gekom het... MAAR ons kan in moeilikheid beland, Bybels en andersins, as ons daardie sienswyse sou ernstig opneem. Eerstens is daar nie veel geld in omloop wat nog nie gebruik was vir 'n bose doelwit nie. Dit laat ons met die handelsbanke waar ons dan kan gaan geld kry wat splinternuut is en nog nie vir enigiets gebruik was nie. Dis egter 'n foutiewe uitgangspunt, want daar is korrupsie in die hedendaagse regerings wat die nuwe geld voorsien! Deur die denkpatroon van 'besoedelde' geld te handhaaf is dus 'n verkeerde denkwyse.

Om die korrekte prentjie van die geldsituasie te verskaf: Terwyl ek diaken was, het ek begin opmerk dat geld aangewend vir doelwitte van geregtigheid, by aflewering heerlijk geurig was. Inteendeel, wanneer dit behoorlik namens en vir Yeshua afgelewer was, het dit iets gedoen vir Hom en vir die persoon wat dit ontvang het. Geld wat op hierdie wyse aangewend is, is beslis nie besoedel nie. Ek het na geld begin verwys as heerlijk geurige aroma, of vuil aardslyk – afhangende waarvoor dit gebruik was – nie waar dit vandaan gekom het nie.



Ons moet net logies dink. Die beste voorbeeld hiervan is die sak geld wat Yeshua en sy dissipels gehad het. Van die geld in die sak was sonder twyfel een of ander tyd tevore vir bose doeleindes gebruik. Maar Yeshua het dit nogtans vir doeleindes van geregtigheid aangewend. Dit maak geld soos 'n heerlijk geurige aroma. Wanneer ons geld gebruik vir bose doeleindes, is dit smerige slyk. Ek was al tussen Christene wat, sou jy geld uit 'n dobbelmasjien aan hulle oorhandig, hulle dit waarskynlik op die vloer sou laat val het met die gedagte dat die geld 'n bose konnotasie sou bevat.

Dit is nie die geld wat boos is nie, maar die gebeure rondom dit op daardie oomblik. Daardie selfde geld kon gebruik geword het vir 'n doelwit van geregtigheid oor waar dit was. Elohim het dit nie gedoen nie; Hy het die tempel laat bou met die rykdomme van Egipte! Dit was tog 'besoedelde' geld. Die fondse het gekom van 'n bose bron af, van 'n plek waar mense dit gebruik het vir bose doeleindes. Maar Elohim het dit vir Sy doeleindes gebruik en die fondse het verander in 'n heerlike aroma. Stel jou voor hoe die tempelbouers vir Elohim gesê het Hy mag dit nie gebruik nie, want dit het van 'n bose bron af gekom! "Elohim dit skep 'n slegte indruk!" Verbeel jou Elohim sê vir daardie ryk Egiptiese vroue met hulle bose mans dat Hy nie hulle geld kan vat nie oor dit die verkeerde indruk sal skep by party mense – dat die geld 'n bose bron het? Dit is dieselfde situasie as dié van die Heilsleer wat geld wegwys oor die indruk wat dit sal skep by sommige mense. (Ek gebruik die Heilsleer net as 'n voorbeeld – die wêreld is vol van mense wat so redeneer!) Dit bring ons weer na die onderstaande Skrif toe terug. Hoe kan dit ooit vervul word as die Christene nie die rykdom van die bose mag vat nie?

Spr. 13:22b *...maar die vermoë van die sondaar word vir die regverdige weggebêre.*

Die rykdom van Egipte wat gebruik is om die tempel van YHWH te help bou, is 'n bevestiging van hierdie skrifgedeelte.

Ons sien dat die rykdom van 'n bose bron, die goddelose, word opgegaar vir hulle wat dae van geregtigheid daarmee sal doen. Christene moet wegdoen met die idee dat ons nie geld mag vat wanneer dit kan lyk asof ons die donker bron daarvan, of die bose hande waardeur dit gegaan het, goedpraat nie. As ons nie hierdie oortuiging verander nie, sal Spr. 13:22 nooit toegepas word nie. Elohim het bose geld aangewend vir doeleindes van geregtigheid en ons moet ook. Geld is 'n stuk gereedskap en dit is die daad – hoe ons dit gebruik – wat bepaal of dit 'n heerlike aroma is of onwelriekende aardslyk.

'n Trein, 'n Simbool in die Geesteryk!

Die een trein was die vleklose bruidstrein en die ander was die kerk in die wêreld wat **deur die mens** bestuur word!

'n Trein, 'n Simbool in die Geesteryk:

Hierdie is 'n hersiene weergawe van 'n artikel wat ek jare gelede geskryf het oor verskillende tonele en dinge wat die Heilige Gees aan mense gewys het oor treine. Begrip is belangrik, daarom gebruik ek van die simboliek wat ek daaroor geleer het. Die Heilige Gees verskaf interessante prente oor die Vleklose Bruid wat ooreenkom met die trein. Ek begin met die volgende gedig wat Yeshua aan my gegee het terwyl ek die artikel oor treine geskryf het.

Daar is 'n trein aan die kom wat sal verbygaan.
'n Tyd bepaal vir my en jou.
Hy blaas sy fluit, gaan jy hoor?
Die fluit, 'n alarm, vertel jou dis naby.
Gaan jy opklim? Sal jy besef dis hier?
Die trein uit die hemel, verskyn skielik en geliefd.
Hier 'n wyle, bestry deur baie.
Dit sal nie die tradisies van die mens bevat nie.
Dis 'n andersoortige trein, maar van dieselfde vorm.
'n Andersoortige stel spore, nie die norm.
'n Besliste rigting, 'n doel in gedagte.
Om Hom te dien, en Hom alleen, wat 'n vonds!
Sal jy hierdie trein gewaar, die alarm hoor?
Hartseer en vreugde, nie 'n speelding, nie 'n betowering.
So **skielik soos dit gekom het, so skielik vertrek dit.**
Die vraag is: **sal jy deel wees daarvan?**




Ek gaan 'n paar treintonele wat aan my en ander getoon was met jou deel. Ek sal party van die tonele of simbole later verduidelik; dit is die tonele wat saak maak.

Toneel 1: *Ek het gestaan in 'n park by 'n pragtige meer toe ek 'n trein uit die lug sien kom het. Hy was massief en lank en elke deel was duidelik sigbaar. Hy het afgekom en omtrent 'n meter van my kop af gesirkel.*

Aanvanklik het ek gedink hy gaan teen my bots, maar hy het perfek op sy spore geland. Hierdie spore was groter (hoër en dikker) as waaraan ons gewoon is. Hierdie trein was van die hemel af en verteenwoordig die Vleklose Bruid.

Toneel 2: Ek het 'n trein en 'n spoor gesien, sterker en groter as die mens s'n. Die mens het 'n versperring oor die groter spoor gebou om die trein te stop. Die versperring was gebou in 'n hout stellasië op die mens se treinspore. Ek het geweet dat sodra die groot trein deurkom, dit die versperring sal losskeur en die stellasië met die mens se spoorlyn en al sal saamsleep. (Dit sal gebeur omdat die kerk in die wêreld die hemelse trein probeer stop het. Ek sien nou reeds bewyse daarvan, selfs met welbekende name.)



Toneel 3: 'n Ander persoon het 'n trein gesien wat in die rondte ry. Mense het goed daarop gelaai wanneer dit verby gekom het. Mense het in pare saamgewerk om goed op die trein te laai, sodat die werk eweredig versprei was. Die trein het sy sirkel al hoe wyer gemaak en spoed vermeerder. Die trein het gegroei soos wat die mense vinniger en vinniger gewerk het en naderhand kon die mense treinwaens bo-op treinwaens pak.

Toneel 4 : Ek het 'n trein met 'n spoor langs sien kom. Verskuil onder een van die waens was 'n pakket wat rykdom bevat. Die trein het gestop en ek het die pakket onder die treinwa gaan uithaal.



Iemand anders het vir my vertel die waens van 'n trein verteenwoordig bedienings wat aanmekaar gehaak is en dat bedienings aangehaak sal word wanneer hierdie trein verbygaan.

Toneel 5 : Ek het 'n trein op 'n heuwel in die rondte sien ry. Dit het by herhaling so gesirkel en toe meteens die heuwel verlaat – om regoor die land te gaan op 'n enkel spoor. Daar was geen syspore nie. Die trein was op pad rondom die wêreld.

Toneel 6 : *Ek het 'n pakhuis gesien met 'n trein daarlangs. Die pakhuis was belig met glorieryke kleure binne. Daar was heelwat aktiwiteit en die trein het gereedgemaak om te vertrek. Terwyl ek kyk, het ek geweet ek moet daar wees wanneer dit vertrek. Dit was soos 'n bevel!*

Jare gelede het Vader aan my verskeie soorte lokomotiewe en treine gewys, oues en nuwes. Hy het vir my ontspoorde treine, treinwrakke en treine wat die onmoontlike doen, gewys. As ek terugdink daaraan, was dit vir my maklik om die betekenis van 'n ontspoorde trein te verstaan. Toe Vader ons groep mense bymekaar gebring het vir Sy doel, het ons begin om 'n kerk te bou, want ons het gereken dit is wat Hy wou hê (waarom anders sou hy ons tog bymekaar gebring het?). Om dan 'n toneel te hê van 'n ontspoorde trein sê eenvoudig: “**Julle is van die spoor af!**” Wat nou by ons aan die gang is, is heeltemal anders as enigiets waarvan ons destyds sou kon droom en is ook anders as enigiets wat ons ooit tevore ervaar het. Dus is dit maklik om te snap dat 'n prent van 'n ontspoorde trein eenvoudig beteken: “**Van die spoor af.**”

Treine is gewoonlik simbolies vir bediening. Op 'n afstand lyk hulle eenders, maar van naby lyk hulle baie verskillend. Die groter Hemelse trein verteenwoordig die vleklose gemeente, terwyl 'n gewone trein die kerk in die wêreld met sy vlekke verteenwoordig. 'n Trein verteenwoordig kollektiewe krag, wat op die korporatiewe gemeente dui.

Teoreties, omdat dit aangevul kan word, het 'n trein die potensiaal om die kragtigste bewegende ding op aarde te wees – met meer krag as die ruimte pendeltuig, enige skip op see, of enige ander mensgemaakte voorwerp. Dit kan op 'n plek begin en daar kan bygevoeg of daarvan verminder word. Dit kan verskillende vorms dra van byna enigiets. Ek wil egter meld dat dit nie veel werd is nie, tensy dit beweeg ('n stilstaande trein gaan nêrens heen nie!) Die rede waarom YHWH nie goed soos die krag van 'n vulkaan gebruik om die kerk te simboliseer nie, is omdat dit met natuurkrag te doen het en die mens is nie betrokke by daardie soort krag nie.

Die ware kerk van Yeshua is 'n korporatiewe liggaam, bestaande uit manne en vroue; mense is 'die kerk'. Mense van die verlede, soos Stefanus en Phillipus, het krag gehad om wonderwerke te doen, soos sommige selfs vandag het.

Maar dit is nie die krag waarvan Vader praat wanneer Hy verwys na treine nie. 'n Trein bestaan uit verskillende onderdele wat almal saam werk vir een doelwit. Selfs al sou hulle bestaan uit verskillende waens of loko's, bied hulle 'n toneel van eenheid in doelwit (daar is krag in hierdie soort eenheid), net soos Vader se funksionele gemeente bestaan uit verskillende gawes en bedienings. Elke treinwa het sy spesifieke vraag (taak), maar dit is ook ontwerp om aangehaak te word by ander waens met hul spesifieke vragte (take). Hierdie verskillende waens kan nie dieselfde soort vraag dra nie. Dit verteenwoordig die feit dat almal in die kerk van Yeshua verskillende funksies (bedienings) het en wanneer iemand 'n funksie verrig wat nie syne is nie, ontstaan probleme. Dit sal nie werk nie en skep 'n oop deur vir die vyand. Ek weet van 'n evangelis wat die 'amp van profeet' aangeneem het en dit het groot moeilikheid vir sy lewe en sy bediening gebring. YHWH het hom nie toegerus gehad om 'n profeet te wees nie!

Ek wil dit duidelik stel dat wanneer ons praat van die Hemelse trein wat groter is as die wêreldse trein (die kerk), praat ons nie juis van lengte nie, maar eerder van sy meer massiewe skaal. Die opmerklikste verskil wat die Hemelse trein betref, is die sterker, dikker spoorstawe en die wyse waarop dit oor die land gelê is. Daar was geen sylyne van die hooflyn af nie. Daar was slegs een reguit hooflyn. Daar is 'n spesifieke weg vir die Vleklose gemeente – sonder enige sylyne om haar van haar doelwit af te lei! YHWH het daardie weg, nie die mens. Hierdie reguit spoorlyn vir die kerk word uitgelê deur die navolging van 'n geskrewe rekord – 'n korporatiewe Vloeikaart – van al die “sake van die Gees” wat Vader gee deur woorde, visioene, drome, openbarings, ens. Dit is die korporatiewe rekord van Sy woorde wat SY kerk op koers hou! Dit is die wyse waarop ons in die Gees wandel. Die verkeerde manier om in die Gees te wandel is een van die drie vlekke op die Liggaam van Yeshua wat gereinig moet word om deel van die Vleklose Bruid te word.



Wat die spoorlyne self betref, verteenwoordig die spoor-dwarslêers Vader se tiende. Die staal spoorstawe verteenwoordig die wet.

Die rede waarom die stawe van die Bruidstrein meer massief is as die kerk in die wêreld s'n, is omdat die wet meer gewig dra (belangriker is) in die geval van die Vleklose Bruid. **Die Vleklose Bruid sal die vereistes van geregtigheid van Vader se wette nakom.** Die kerk in die wêreld het dit nog nooit gedoen nie en wil oor die algemeen niks te doene hê met die wet nie.



Toneel 7: *Ek het gekyk na iemand wat ek ken wat in die werklike lewe 'n ernstige lewersiekte het wat elke oomblik haar lewe kon eis. In hierdie toneel was daar spoorstawe wat regop gestaan het, 4 na 6 duim voor haar. Hierdie stawe was langer as sy en toe is dwarslêers een vir een aangebring. Hulle is naby aan mekaar geplaas, maar ek kon haar nog steeds sien deur die spasies tussen die dwarslêers. Die spoorstawe en dwarslêers was deurweek met petrol en dit sou slegs 'n vonk verg om haar in vlamme te laat opgaan. Natuurlik sou dit dood beteken. Die spoorstawe verteenwoordig “die wet” en volgens YHWH se Woord is ons alreeds geoordeel deur Sy wet, sy Woord. Dit wat aanvanklik ontbreek het in die toneel, was die dwarslêers, verteenwoordigend van die feit dat sy in haar lewe nie korrek tiende gegee het nie. Die toneel openbaar dat as sy haar tiende korrek gegee het, sou sy nie nou siek gewees het nie; sy sou die beskerming geniet het wat YHWH verskaf teen siekte – as ons sorg dat Sy fondse by die regte plek uitkom soos openbaar in Sy Wet.*

Toneel 8: *Ek was by 'n spoorweg depot, geklee in 'n kondukteurs-uniform. Ek was die kaartjiesondersoeker (wat moes toesien dat slegs mense met wettige kaartjies opklim). Die kaartjies was nie die gewone soort wat jy sou koop om trein te ry nie. Hulle was soos kredietkaarte, maar eintlik lisensies. 'n Lisensie is anders as 'n kaartjie deurdat jy getoets word om te bewys jy het geleer wat nodig is om die lisensie te besit. Ek was die een wat die kaartjies ondersoek het, want ek het geweet wat die lisensievereistes is om toegelaat te word op die trein.*

Toneel 9: *Ek was besig om te stap deur twee waens wat verongeluk en ontspoor het. Die twee waens het losgeraak van die waens vooraan wat nie ontspoor het nie. Hulle het op hul sye gelê teen omtrent 'n 45% hoek. Ek was geklee soos 'n kondukteur en het deurgestap om te sien wie was beseer en wie nie. Ek wou ook sien of hierdie mense na die voorste waens sou oorklim wat gewag het om te vertrek.*

Die treintoneel is eenvoudig om te begryp wanneer ons verstaan wat die treine simboliseer in die geesteryk. Vader gebruik die treinsimbool omdat dit iets is wat ons ken.

Daar is 'n **Hemelse trein** wat binnekort gaan vertrek om regoor die aarde te snel. Dit sal in 'n vooraf bepaalde rigting reis, met 'n vooraf bepaalde doelwit wat nie verander kan word nie. **Hierdie (Vleklose Bruids-) trein, was van die begin af beplan deur Elohim.** Hy laat sy fluit weerklink, 'n alarm wat waarsku: "**Komaan, klim op!**" Ek glo hierdie trein sal sy fluit nog baie blaas voor hy vertrek op sy reis om die aarde. Hy sal sy waarskuwende fluit reg om die aarde laat weerklink, asof die Vleklose Bruid sê: "**Kom...! Kom...! Kom...! Kom...!**"

Die **aardse trein** wat verteenwoordigend is van die kerke op aarde vandag, sal moet verander om te kan aanhaak en op die spoor te kom met die Vleklose Bruidstrein. **Dit is die Vleklose gemeente wat 'n meer effektiewe bediening vir Yeshua sal hê, want dit is sy gemeente, gebou deur Hom!**

Profetiese Woord - Onbekende Waters

Ek het die Apostelsbyeenkoms in Anaheim California, bygewoon in September 1999. Op 29 September 1999 was daar deur sommige van die mans aan my woorde vanaf Yeshua gegee. My vrou het so vinnig as wat sy kon dit neergeskryf. Hier is 'n gedeelte van wat sy kon neerskryf aangaande my tydens die was van voete. "Jy is geroep om 'n apostel vir die kerk en 'n profeet vir die nasies te wees." Ook: "Daar is 'n profetiese aanraking aan sy voete en sy pen."

Ek het *Onbekende Waters* op 25 Januarie 2000 geskryf en het dit op die Take His Heart webwerf geplaas. Op 19 Februarie 2000, in 'n nagvisioen, het ek 'n goue stuk papier wat deur die lug sweef, gesien. Yeshua het aan my gesê om *Obekende Waters* op goue perkament te plaas in rooi letters.

Daar het ook 'n wit papier deur die lug gesweef met swart letters op ongeveer 'n vierde van die bladsy. Ek het sekere inligting na die profesie geskryf. Hier is die Woord soos wat Yeshua my opdrag gegee het om aan te bied. Ek het op 25 Januarie 2000 wakker geword en toe sê Elohim:

“Onbekende Waters!

Skryf met die fontein van jou pen: Ek is die ewige. Waarsku die mense dat Ek op pad is. Waarsku hulle dat Ek op pad is met My beloning en Ek sal nie beloon dit wat goed voorkom, maar nie van My is nie. Ek roep julle na My toe. Ek roep julle. Ek maak julle die hof om My vleklose Bruid te word. Kan die fontein praat? O ja, want Ek het dit verordineer om in eenvoud te praat, nie in raaisels. Baie het verlang na hierdie tyd, maar dit is julle wat die geroepenes is. Ek roep julle om pioniers te wees, aangesien die vleklose Bruid nog nooit op aarde bestaan het nie. Juig met afwagting, want die Bruilof van die Lam is naby julle. Ek roep dit na vore. Dit is julle vergun om geklee te wees in 'n bruid se drag van fyn linne. Nou is die tyd. Moenie dat dit wegglip nie. Die vyand sal dit graag wil laat wegglip. Rig jul oë daarop om My Bruid te wees, om te word wat Ek bepaal het. Wie kan hoor vanaf die waters van die fontein van 'n pen? Ek roep julle om pioniers te wees, maar Ek het ook pioniers vóór julle uitgestuur om die weg te merk. Julle sal verlore voel (vir 'n oomblik in tyd) – want julle weë moet sterf sodat My weë kan lewe. Weet dat Ek steeds hier is. Julle moet die begrip hê om hand in hand met My te loop as My Bruid. Soek dit, wees oop daarvoor en weet: verandering is hier. Moenie dit ligtelik opneem nie. Julle weet van My bestaan. O, dat die mense op aarde die heerlijkheid van My wese sal ken! Ek roep julle uit om een met My te word. Het Ek dit nie so van die begin af bepaal nie? Het Ek dit nie moontlik gemaak nie? Moenie dink dat dit nie die geval is nie! Het die vader nie gesê dat twee in die huwelik een word nie? Ek en My Vader is een, nogtans bly Hy My Vader en Ek bly sy Seun. Ons is een in verbond. Ons is een in waarheid. Ons is een in begeerte en plan. Ons is een in doelwit. Ek begeer dat julle met My in verbond tree. Ek begeer dat julle kom in een waarheid. Ek is daardie Waarheid. Ek is Elohim en Ek verander nie. Verstaan dit verby die begrip wat julle tot dusver gehad het. Julle moet My toelaat om julle te verander. Julle moet My toelaat om julle weë en planne te verander, want Ek is onveranderlik. Ek roep julle om My hande en voete te wees.

Ek roep julle om My Naam op aarde te dra volgens My plan, My weë, My patroon van dinge doen. My weë is nie julle weë nie. Kom uit julle moeder wat by haar naam sweer dat sy haar skulde betaal het, nogtans het sy vir My en vir julle beroof. Sy het haar weë en planne. Sy is 'n hoer en produseer die vrugte van haar hoerery. Sy kan niks anders doen nie. Laat dit wat dood is dood bly. Moenie aan haar julle energie gee nie, maar staan liewer op teen haar weë. Het Ek nie in My Woord gesê dat as julle met haar gemeenskap hou, julle een is met haar nie? Hoe kan Ek julle beloon as julle een is met haar? Tot nou toe het Ek aan julle gawes gegee, nie belonings nie. Ek het aan haar gawes geskenk, maar sy kan nie verby hulle sien nie. Ek het haar liefgehad, maar nie haar weë nie, want hulle bring 'n stille dood na hulle toe vir wie Ek vooruit uitverkies het om in lewe te wandel. O, dat julle My stem sal hoor, vanaf die fontein van 'n pen. O, dat julle die klank van daardie fontein sou kon hoor. Kan julle hoor? Is Ek nie Elohim nie? Ek sê: "Kom!" Ek roep julle na My weë en My kalender van gebeure. Die kerk in die wêreld het sy kalender en Ek het Myne. Sommige het hulle kalender op My Woord gebasseer, maar hulle fouteer. Selfs hulle wat begaafd is, het hulle eie kalender, maar Ek is Elohim en Ek het Myne. Ek openbaar My kalender stap vir stap. Hulle wat My weë leer ken en My kalender opspoor, sal op die vlerke van 'n voël in vlug wees na oorwinning saam met My. Ek het die Weg ontwerp. Dit is Ek, dit is Waarheid, dit is Liefde, dit is My patroon, dit het My doelwit. Weet dat My kalender steeds staan. Tyd is min. Kom na vore Bruid! Hulle wat My waarlik liefhet en My vrees, sal kom; hulle wat My nie vrees nie, sal bly. Steun nie op jul eie begrip nie en berus in die wete dat Ek My Bruid wettig sal beskerm, volgens My ewige plan. Is 'n huwelik nie 'n wettige saak nie? Hoekom struikel en val julle oor hierdie feit? Wie is dit wat sal hoor? Wie sal waarlik begrip seek deur My Gees? Sal julle met My trou en 'n kruik word wat Ek waarlik op aarde kan gebruik? Ek roep julle uit. Nou. Daar is baie wat die aarde en sy bewoners gaan oorkom. Kan julle die bruisende water hoor van die fontein van 'n pen? Ek roep julle in onbekende waters in. Moses het in onbekende waters geloop, stap vir stap. Hy het sy vooraf opgestelde idees laat vaar oor hoe Ek Israel sou verlos. Wees soos Moses. Kan julle die opwinding daarvan voel om saam met My in onbekende waters te loop? Ek is die Hoof; Ek het die plan. Sal julle kom? Het julle die golwe gevoel van die waters uit die fontein van 'n pen? Sal julle jul lewens aflê? Ek het Myne afgelê vir julle. Sal julle My Bruid wees?

Ek het baie vir julle om te doen! Die hoer het ook baie vir julle om te doen. Wie se vrugte wil julle dra? Ek het uit die verborgene gekom en Ek wag vir julle om in verbond langs My te staan. Julle moet juiself van vlekke reinig om daar langs My te mag staan. Dit is 'n vereiste. Ek het die weg geopen. Ek het dit reeds voorberei. Soek daarna. Die tyd is op julle. Kies wyslik. Kies om saam met My in onbekende waters te wandel." sê Yeshua deur die fontein van 'n pen.

Yeshua het deur middel van ander gesigte in die nag ook met my hieroor gedeel. Eerste van alles beteken die goue perkamentrol dit is 'n wetlike dokument. Die rooi ink beteken dit is Yeshua wat praat en alles tesame beteken dit Hy is gebonde aan die beloftes van hierdie Woord.

Nog iets wat Hy met my gedeel het is die feit dat ek nie bekend gemaak het wat ek gesien het nie. Terwyl ek besig was om oor onbekende waters te skryf (naby die einde) het hy 'n groot, skoon, mooi passasiersskip na die kus toe sien aankom. Dit het na 'n kuslyn beweeg wat nog nooit voorheen deur 'n mens gekarteer was nie, alhoewel dit nog altyd daar was. (Hierdie skip is 'n simbool van die kerk.)

Die Vyand se Stem

Jare gelede (ongeveer 1999) het Elohim vir *Take His Heart Bedieninge* die volgende woord gegee. Dit was korrektief maar so openbarend.

Ek was 'n sekere persoon gewys en toe volg 'n Woord van YHWH wat sê:

"Vertel hulle (almal) dat hulle nog nie die stem van die vyand leer onderskei het nie. Julle het MY stem leer ken, sommige beter as ander. Dit is alles goed, maar julle moet leer om die stem van die vyand te onderskei. Wees bewus daarvan dat hy meer subtiel is as enigeen. Ek het deur almal van julle gepraat, op een of ander manier, dat julle mag weet dat ek ELOHIM is. Julle verstaan nie, "My skape hoor MY stem." 'n Herder moet die afgedwaaldes bymekaar maak. Vandag maak ek bymekaar.

"Ek het julle geroep en 'n baie groot tafel voor julle berei. Sal julle daarvan eet? Is hierdie 'n buffet en julle eet net dit waarvoor julle lus is? Ek beveel julle om van alles te eet wat ek aanbied, sodat julle nie onder oordeel kom nie.

"Ek soek na mense wie MY wil volg; wie hulleself vir MY sal afskei. Ek soek na mense wie geloof het in MY weë en wat EK aan hulle gesê het. Dit is 'n veel groter geloof as om jul eie ding te doen op julle manier en dan uit te roep na MY om jul te red! Ek leef, tog plaas die meeste meer waarde in gevlekte woorde as woorde direk van MY. Moses was nederig voor MY en het gereageer op direkte woorde van MY. My dissipels het gereageer op direkte woorde van MY. Ek beweeg in die aarde om MY Bruid na vore te bring; dit sal so wees!

"Ek praat met julle in eenvoud, nie in gelykenisse nie. Ek stel 'n standaard vir almal om te sien. Het julle gekyk? Het ek julle nie gesê dat wat julle doen direk verwant is aan wat met julle kinders gebeur nie? Het ek dit nie bekend gemaak aan ander voor julle gebore was nie? Dit gaan nie oor liefde nie; dit gaan oor oop deure na die vyand! Het ek nie gesê, "Get real." (By gebrek aan 'n beter woord in Afrikaans het ons die Engelse woorde hier gebruik) My woord is werklikheid en is alreeds gevestig in die heelal; Wat ek aan julle gesê het is gevestig in die heelal, wandel daarin.

Ek hoor uitroep van, "Ek sien nie; ek verstaan nie; ek kan nie my plek vind nie." Ek het julle gehoor soos ek die Kinders van Israel gehoor het. Ek stuur verlossing en MY guns is in hierdie plek. Daar kan nie guns wees tot daar oordeel was nie. Sal julle MY guns aanvaar?"

Seëninge aan alle gelowiges!